

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**OPĆINA GRAČANICA**

**Predlagač:**  
Općinski načelnik

**IZVJEŠTAJ**  
**O REALIZACIJI PROGRAMSKIH AKTIVNOSTI**  
**OPĆINSKOG NAČELNIKA ZA 2018. GODINU**

**Razmatra:**  
Općinsko vijeće

## Uvod

Dokumentom *Izveštaj o realizaciji Programskih aktivnosti Općinskog načelnika za 2018. godinu* Općinski načelnik želi da pruži uvid u prioritetne programske aktivnosti koje su realizovane od strane Općinskog načelnika i kompletne općinske administracije u izvještajnoj godini.

Obaveza izrade ovakvog dokumenta i izvještavanja Općinskog vijeća i javnosti o provedenim aktivnostima i obavljenim poslovima iz djelokruga rada lokalne samouprave u protekloj godini, proizilazi iz Statuta Općine i Zakona o principima lokalne samouprave u Federaciji BiH, te iz Programa rada Općinskog vijeća za 2019. godinu.

Izveštaj je rađen na osnovu aktivnosti na realizaciji ciljeva i projekata utvrđenih Strategijom razvoja Općine Gračanica i Programa rada Općinskog načelnika 2018.godinu. Na osnovu ovih strateških dokumenata, osnova realizacije je Okvirni budžet Općine na trogodišnjem nivou te Budžet općine za 2018. godinu.

U izvještajnom periodu Općinski načelnik i službe za upravu putem kojih isti obavljaju poslove uprave i samouprave nastavio je aktivnosti u ostvarivanju ciljeva iz ovih strateških i planskih dokumenata. Pored rukovođenja upravom Općinski načelnik je i Izvršni organ Općine i u tom konetektstu predstavlja općinu, i čini ga odgovornim za sve oblasti društvenog života i ostvarivanja politike Općine Gračanica

Treba naglasiti da smo budžetsku godinu uspješno okončali i a razvojna komponenta budžeta ni u jednom momentu nije bila upitna. Tome u prilog govore provedene aktivnosti i realizovani projekti iz oblasti biznisa i lokalnog razvoja, infrastrukture, ruralnog razvoja, efikasnosti lokalne uprave, socijalnih programa, kulture, sporta, mladih i dr.

Važno je potcrtati da se prilikom realizacije planiranih programskih aktivnosti i ciljeva u izvještajnom periodu Općinski načelnik strogo vodio zakonskim odredbama koje regulišu položaj, status, i obaveze Općine kao jedinice lokalne samouprave, Statuta Općine, odlukama i stavovima Općinskog vijeća, kao i utvrđenim strateškim dokumentima.

Pošto je zasnovan na planskom aktu, cilj je kvalitetno, precizno i realno izvijestiti, uvažavajući i sve objektivne i nepredviđene okolnosti koje su obilježile 2018. godinu.

U cilju unapređenja regulatornog okvira Općina je uključena u MEG projekat UNDP- a. Kroz ovaj projekat ječa se regulatorni oblik kroz uspostavu novih procedura, planiranja i izvještavanja, a sve u cilju unapređenja mehanizama /infrastrukture za podršku investitorima u Općini Gračanica. Uspješnost realizacije ovog okvira pored unapređenja povoljnog okruženja i privlačenja investicija, rezultiralo je i novčanom podrškom UNDP-u kroz realizaciju odgovorajućih programa. Kako bi se uprava prilagodila standardima koji nas očekuju, u 2018.godini donesen je i novi Pravilnik o unutrašnjoj organizaciji i sistematizaciji radnih mjesta.

Takođe, u jačanju uprave uveden je sistem planiranja i izvještavanja na nižim organizacionim jedinicama (odsjeci i referati), kao i ocjenjivanje uposlenika. Naprijed navedene aktivnosti uz jačanje finansijske odgovornosti i prikupljanje budžetskih prihoda rezultirali su unapređenjem infrastrukture na općini Gračanica.

Prema podacima statističkog zavoda visina prosječne neto plaće je u porastu za 6,7% u odnosu na isti period prošle godine i iznosi 623,00 KM, a nezaposlenost je smanjena za oko 10%, sa 8254 nezaposlena lica krajem 2017.godine na 7433 nezaposlena lica krajem 2018.godine.

Za stipendiranje učenika i studenata obezbijeđeno je 102.000 KM, kao podrška mladim za školovanje u srednjim školama i visokoškolskim institucijama.

U izvršavanju nadležnosti Općinskog načelnika, Općinski načelnik i službe su podržale aktivnosti na sprovođenju propisa iz nadležnosti općine. Općinska uprava u rješavanju zahtjeva građana i pravnih subjekata, kao i po službenoj dužnosti imala je u radu 4600 predmeta i izdato je 48 013 izvoda i rješenja iz evidencija. U nadležnosti općinske uprave su i javne službe nad kojima se vrši nadzor vršenja poslova (socijalna zaštita, komunalna djelatnost i dr.). Ove službe podnose programe rada i izvještaje o radu Općinskom vijeću.

Općina Gračanica u okviru redovnih aktivnosti podržala je rad nevladinih organizacija u projektima od interesa za građane kao i održavanje sajamskih, kulturnih, sportskih, vjerskih i drugih manifestacija.

U nastavku ovog izvještaja daju se izvještaji organizacionih jedinica jedinstvenog organa uprave po djelatnostima.

Općinsko vijeće će razmatrati i Izvještaj o realizaciji budžeta za 2018. godinu u kojem su navedeni planirani i izvršeni poslovi sa finansijskim izvršenjem, kao i izvještaji sa pojedinim oblastima, izvršenje Strategije, realizacija kapitalnih investicija; sanacija puteva; upravno rješavanje, izvještaji javnih službi, i drugi dokumenti.

Tokom godine u skladu sa Programom rada Općinskog vijeća razmotrit će se izvještaji i informacija za pojedine oblasti društvenog života i rada na osnovu kojih će se utvrditi smjernice za poboljšanje i unapređenje stanja.

Imajući u vidu aktivnosti Općinskog načelnika u ostvarivanju programa i politika Općine Gračanica može se konstatovati da su osnovni ciljevi i zadatci u 2018. godini uspješno realizovani i da je Općina Gračanica kao JLS ostvarila napredak u gotovo svim oblastima razvoja.

## **II - PRIVREDA, POLJOPRIVREDA (LOKALNI EKONOMSKI RAZVOJ)** **(Služba za poduzetništvo, lokalni razvoj i finansije)**

Unapređenje poslovnog okruženja kroz lokalnu primjenu Evropskog Akta o malom biznisu (SBA) nastavljeno je kroz:

- Saradnju, javno-privatni dijalog i konsultacije sa MSP-a putem Lokalnog ekonomskog vijeća (LEV-a)- tijela za provođenje javno-privatnog dijaloga u Općini Gračanica, sastavljenog od predstavnika javnog, privatnog i civilnog sektora, imenovanog od strane Općinskog načelnika krajem 2017.godine, u cilju aktivnog sudjelovanja svih sudionika u javno – privatnom dijalogu, razvoju zajednice u cjelini i stvaranju povoljnog poslovnog okruženja);
- Promociju MSP-a, putem „Grapos-expo 2018“, manifestacije ženskog poduzetništva i obrta i sl., vodiča za investitore i WEB podstranice LER-a (Lokalnog ekonomskog razvoja) u okviru nove WEB stranice Općine Gračanica i tehničkih standarda za izradu biltena;
- Podršku mladim poduzetnicima ostvarenim implementacijom projekata, kao što je „Povećanje razvojnih potencijala kroz uvođenje instrumenata koji potiču poduzetništvo, međuopćinsku suradnju i nova ulaganja“. Kroz partnerstvo i međuopćinsku suradnju općine Žepče i Gračanica uspjele su razviti strukturiran proces za pokretanje biznisa kroz alate za podršku samozapošljavanju i vođenju start-up-a, a to je edukativno – mentorski program Start up akademija koji sadrži sedam različitih tema neophodnih za razvoj start up biznisa s praktičnim vježbama i iskustvima mentora s konkretnim biznisima. Tokom projekta uspostavljen je mentorski klub u kojem je trenutno 11 mentora iz cijele Bosne i Hercegovine. Također, kreiran je „one stop shop“ audio vizualni on line i tiskani materijal za obje općine koji će biti korišten za privlačenje novih investicija. Pobjednici prve Start up akademije Gračanica su mladi budući poduzetnici Kenan Mehić i Kerim Grbić sa svojom idejom „Aqua Farm“ i Sabina Đulić i Dino Hadžiavić sa biznis ideju pod nazivom „MIS tekstil“.

U okviru EU-Pro local Programa podrške pripreme akcionih planova za prevenciju i zaštitu od poplava, održana je prezentacija Vodiča za prevenciju i zaštitu od poplava u MSP-a i Programa izrade Akcionih planova prevencije i zaštite od poplava. Program je podržao izradu Akcionih planova za MSP koji su dobili finansijsku podršku u predhodnoj godini.

Tokom 2018.godine u okviru projekta Giz-Prolocal izvršeno je anketiranje odabranih poslovnih subjekata, vodećih privrednih djelatnosti proizvodnje i prerade drveta, plastike i metala. Sumirani rezultati anketa objavljeni su u dokumentu „Analiza lanca vrijednosti“. Rezultati ove analize ukazuju da se većina privrednih subjekata suočava sa značajnim problemima (tržišta, ljudskih resursa, tehnologija i uslova privređivanja), od kojih su mnogi zajednički, bez obzira na industrijsku granu. U skladu sa zaključcima iz dokumenta „Analiza lanca vrijednosti“ i strateškim fokusima iz Strategije lokalnog razvoja Općine Gračanica za period 2016-2020.godine, i u narednom periodu nastaviti će se započete aktivnosti na stvaranju povoljnog poslovnog okruženja.

Uz podršku MEG projekata objavljen je Javni poziv za dodjelu poticaja za razvoj privrednih društava i obrta sa područja općine Gračanica za 2018.godinu. Izvršena je evaluacija projektnih prijedloga i odabir projekata. Odobreno je 7 prijedloga projekata ukupne vrijednosti oko 80.000 KM (sa izvorima finansiranja 50% iz budžeta Općine a 50% MEG projekat), u okviru čega je otvoreno novih oko 30 radnih mjesta.

U okviru Projekta Jačanje uloge MZ-Program oporavka od poplava-stambeno zbrinjavanje-Ekonomska komponenta programa za Općinu Gračanica utvrđena je rang lista 5 (pet) korisnika za zapošljavanje u okviru ekonomske komponente programa, usvojena i objavljena 10.09.2018.godine.

U cilju unapređenja efikasnosti javne uprave i pružanja kvalitetnijih javnih usluga, Općina Gračanica je potpisnik Projekta „Izgradnja kapaciteta za unapređenje zemljišne administracije i procedura u Bosni i Hercegovini“ (PROJEKAT-CILAP). Ovim projektom uspostavlja se baza podataka o procjenama nekretnina što utiče na efikasnost zemljišne administracije, a doprinosi ekonomskom i društvenom razvoju, održivom tržištu i korištenju nekretnina, kao i pristupanju BiH EU.

Prema podacima statističkog zavoda visina prosječne neto plaće je u porastu za 6,7% u odnosu na isti period prošle godine i iznosi 623,00 KM, a nezaposlenost je smanjena za oko 10%, sa 8254 nezaposlena lica krajem 2017.godine na 7433 nezaposlena lica krajem 2018.godine.

### **KAPITALNI PROJEKTI**

U okviru kapitalnih projekata pokrenutih od strane Službe za poduzetništvo, lokalni razvoj i finansije, realizovano je ili je u postupku realizacije ukupno 62 projekata u vrijednosti od 1.018.793,95 KM od čega:

- U oblasti putne infrastrukture 45 projekata, vrijednosti 730.620,47 KM
- Ostalih projekata, u vrijednosti 288.173,48 KM.

Pregled projekata implementiranih u toku 2018.godine

Red. broj	Predmet nabavke	Ugovorena vrijednost	Datum zaključenja Ugovora	Izvor finansiranja	Zaduženje za pokretanje procedure JN i praćenje realizacije ugovora	Realizovan ugovor Da/Ne U toku
1.	Izgradnja javne rasvjete u Mjesnim zajednicama Donja Orahovica	2.200,00	08.02.2018.	Budžet	Služba za poduzetništ., lokalni razvoj i finansije	Da
2.	Isporuka i ugradnja peketne toplotne podstanice snage 15 kW	6.991,92	02.02.2018.	Budžet	Služba za poduzetništ., lokalni razvoj i finansije	Da
3.	Sanacija puta Škahovica (Garaže-propust)	6.999,53	11.04.2018.	Budžet	Služba za poduzetništ., lokalni razvoj i finansije	Da
4.	Sanacija puta Škahovica (Centar-Ahmuljići)	6.946,29	19.04.2018.	Budžet	Služba za poduzetništ., lokalni razvoj i finansije	Da
5.	Uspostavljanje sistema finansijskog upravljanja i kontrole (FUK)	6.669,00	27.04.2018.	Budžet	Služba za poduzetništ., lokalni razvoj i finansije	U toku
6.	Sanacija puta Rašljeva-Miričina-Beledije	4.995,90	24.05.2018.	Budžet	Služba za poduzetništ., lokalni razvoj i finansije	Da
7.	Odvođenje oborinskih voda MZ Škahovica-Veseli Brijeg (Romsko naselje)	10.000,00	20.05.2018.	Budžet	Služba za poduzetništ., lokalni razvoj i finansije	Da
8.	Sanacija puta Ciglane-Đurići MZ Gornja Lohinja	5.000,00	12.06.2018.	Budžet	Služba za poduzetništ., lokalni razvoj i finansije	Da
9.	Trotoar od Zvijezde do područne škole MZ Babići	15.543,45	12.06.2018.	Budžet	Služba za poduzetništ., lokalni razvoj i finansije	Da
10.	Sanacija potpornog zida	4.666,19	14.06.2018.	Budžet	Služba za poduzetništ., lokalni razvoj i	Da

	MZ Dobrovci				finansije	
11.	Sanacija puta Škahovica	14.565,07	18.06.2018.	Budžet	Služba za poduzetništ., lokalni razvoj i finansije	Da
12.	Vodosnabdijevanje MZ Malešići	10.413,66	02.07.2018.	Budžet	Služba za poduzetništ., lokalni razvoj i finansije	Da
13.	Priključak na kanalizaciju Bazen, MZ Gračanica	1.606,05	04.07.2018.	Budžet	Služba za poduzetništ., lokalni razvoj i finansije	Da
14.	Rekonstrukcija puta Bulakov sokak	43.528,68	24.07.2018.	Budžet	Služba za poduzetništ., lokalni razvoj i finansije	Da
15.	Rekonstrukcija puteva u MZ Gornja Orahovica (groblje Cerik)	30.888,00	24.07.2018.	Budžet Grant	Služba za poduzetništ., lokalni razvoj i finansije	Da
16.	Rekonstrukcija puta u MZ Piskavica (Hrvići)	25.260,30	27.07.2018.	Budžet	Služba za poduzetništ., lokalni razvoj i finansije	Da
17.	Rekonstrukcija puta iz pravca MZ Malešići prema MZ Stjepan Polje	60.535,80	27.07.2018.	Budžet Grant	Služba za poduzetništ., lokalni razvoj i finansije	Da
18.	Rekonstrukcija puta u MZ Piskavica (Hamidovići)	8.886,06	27.07.2018.	Budžet	Služba za poduzetništ., lokalni razvoj i finansije	Da
19.	Sanacija puta u MZ Prijeko Brdo	62.959,74	30.07.2018.	Budžet Grant	Služba za poduzetništ., lokalni razvoj i finansije	U toku
20.	Sanacija puta Škahovica	13.614,12	31.07.2018.	Budžet	Služba za poduzetništ., lokalni razvoj i finansije	Da
21.	Sanacija puta u MZ Lukavica-Bijeli potok	12.548,57	31.07.2018.	Budžet	Služba za poduzetništ., lokalni razvoj i finansije	Da

22.	Rekonstrukcija mokrih čvorova Društveni dom MZ Doborovci	4.674,15	03.09.2018.	Budžet	Služba za poduzetništ., lokalni razvoj i finansije	Da
23.	Sanacija puteva u MZ Soko	89.740,76	31.08.2018.	Budžet Grant	Služba za poduzetništ., lokalni razvoj i finansije	U toku
24.	Rekonstrukcija puta u MZ Malešići (Šakići- Malešići)	22.573,98	18.09.2018.	Budžet	Služba za poduzetništ., lokalni razvoj i finansije	Da
25.	Rekonstrukcija puta u MZ Malešići (Brežde- Malešići)	49.917,35	18.09.2018.	Budžet Po odluci MZ	Služba za poduzetništ., lokalni razvoj i finansije	Da
26.	Sanacija klizišta Škahovica	3.500,64	03.10.2018.	Budžet	Služba za poduzetništ., lokalni razvoj i finansije	Da
27.	Usluge održavanja puteva u Mjesnim zajednicama (materijal)	7.020,00	03.10.2018.	Budžet	Služba za poduzetništ., lokalni razvoj i finansije	Da
28.	Rekonstrukcija puteva u MZ Doborovci (R460-Most)	8.998,47	03.10.2018.	Budžet	Služba za poduzetništ., lokalni razvoj i finansije	U toku
29.	Rekonstrukcija puteva u MZ Doborovci (Huskanovići)	10.168,47	03.10.2018.	Budžet	Služba za poduzetništ., lokalni razvoj i finansije	U toku
30.	Sanacija puta u MZ Lukavica-Bijeli potok (prema mezarju)	7.020,00	08.10.2018.	Budžet	Služba za poduzetništ., lokalni razvoj i finansije	Da
31.	Izgradnja javne rasvjete u Mjesnim zajednicama (G.Lohinja)	6.074,17	08.10.2018.	Budžet	Služba za poduzetništ., lokalni razvoj i finansije	Da
32.	Odvođenje oborinskih voda MZ Škahovica-Veseli Brijeg (Romska naselje)- <b>II faza</b>	2.609,10	12.10.2018.	Budžet	Služba za poduzetništ., lokalni razvoj i finansije	Da
33.	Izgradnja Društvenog doma	19.192,68			Služba za poduzetništ.,	



	u MZ Trnovci		11.10.2018.	Budžet	lokalni razvoj i finansije	Da
34.	Društveni dom MZ Džakule	5.000,00	17.10.2018.	Budžet	Služba za poduzetništ., lokalni razvoj i finansije	Da
35.	Asfaltiranje puta do ambulante u MZ Donja Orahovica (centar)	11.662,56	29.10.2018.	Budžet	Služba za poduzetništ., lokalni razvoj i finansije	U toku
36.	Poligon OŠ u MZ Lukavica	28.875,60	29.10.2018.	Budžet	Služba za poduzetništ., lokalni razvoj i finansije	U toku
37.	Rekonstrukcija glavnog puta u MZ Pribava	32.699,75	05.11.2018.	Budžet	Služba za poduzetništ., lokalni razvoj i finansije	U toku
38.	Sanacija puteva u MZ Soko (Naselje Sumbići)	6.863,22	30.11.2018.	Budžet Grant	Služba za poduzetništ., lokalni razvoj i finansije	U toku
39.	Sanacija puteva u MZ Soko (Guvna-kuća Hadžić Nurije)	6.973,20	30.11.2018.	Budžet Grant	Služba za poduzetništ., lokalni razvoj i finansije	U toku
40.	Sanacija puta u MZ Babići-Omerbašići (Omerbašići Donja Mahala)	6.867,90	30.11.2018.	Grant	Služba za poduzetništ., lokalni razvoj i finansije	Da
41.	Vodosnabdijevanje MZ Miričina	43.848,34	30.11.2018.	Grant	Služba za poduzetništ., lokalni razvoj i finansije	U toku
42.	Vodosnabdijevanje MZ Donja Orahovica	31.852,84	30.11.2018.	Grant	Služba za poduzetništ., lokalni razvoj i finansije	U toku
43.	Rekonstrukcija pekarskog prolaza u MZ Gračanica (nabavka ploča)	7.007,16	22.11.2018.	Budžet	Služba za poduzetništ., lokalni razvoj i finansije	U toku
43.	Asfaltiranje puta Mejremići-Mezarje	9.260,15	03.12.2018.	Budžet	Služba za poduzetništ., lokalni razvoj i	U toku

	u MZ Stjepan Polje				finansije	
44.	Sanacija puta u MZ Lendići	29.901,69	03.12.2018.	Budžet	Služba za poduzetništ., lokalni razvoj i finansije	U toku
45.	Poligon u MZ Gornji Dobrovci	19.879,53	03.12.2018.	Budžet	Služba za poduzetništ., lokalni razvoj i finansije	U toku
46.	Sanacija puta u MZ Miričina (Gornja)	39.999,14	11.12.2018.	Budžet Grant	Služba za poduzetništ., lokalni razvoj i finansije	U toku
47.	Rekonstrukcija puta u MZ Džakule Mahala	30.949,43	11.12.2018.	Budžet	Služba za poduzetništ., lokalni razvoj i finansije	U toku
48.	Sanacija oštećenja puteva u MZ Vranovići	6.994,03	12.12.2018.	Budžet	Služba za poduzetništ., lokalni razvoj i finansije	U toku
49.	Proširenje asfaltnog puta u MZ Piskavica (Puškari) (sufinans. Sa Direkcijom cesta)	4.118,40	13.12.2018.	Budžet	Služba za poduzetništ., lokalni razvoj i finansije	Da
50.	Društveni dom MZ Škahovica	13.462,02	11.12.2018.	Budžet	Služba za poduzetništ., lokalni razvoj i finansije	Da
51.	Sanacija puta u MZ Donja Orahovica (Turkovići)	6.645,60	13.12.2018.	Budžet	Služba za poduzetništ., lokalni razvoj i finansije	Da
52.	Rekonstrukcija puteva u MZ Donja Orahovica (Klanac)	6.993,09	13.12.2018.	Budžet Grant	Služba za poduzetništ., lokalni razvoj i finansije	Da
53.	Rekonstrukcija puteva u MZ Donja Orahovica (M4-naselje Polje)	6.990,75	13.12.2018.	Budžet Grant	Služba za poduzetništ., lokalni razvoj i finansije	Da
54.	Rekonstrukcija puteva MZ Babići Naselje Karići (Pristupni put)	2.104,36	13.12.2018.	Budžet Grant	Služba za poduzetništ., lokalni razvoj i finansije	Da

55.	Izgradnja javne rasvjete u Mjesnim zajednicama Donja Orahovica	6.877,25	13.12.2018. po potrebi	Budžet	Služba za poduzetništ., lokalni razvoj i finansije	Da
56.	Filter stanica Mehmedovići MZ Džakule	3.600,00	17.12.2018.	Budžet	Služba za poduzetništ., lokalni razvoj i finansije	Da
57.	Rekonstrukcija puteva u MZ Stjepan Polje Inkubatorska stanica-Dživraci	6.879,60	17.12.2018.	Budžet	Služba za poduzetništ., lokalni razvoj i finansije	U toku
58.	Limarski radovi na domu Mehmedovići, MZ Džakule	2.000,00	17.12.2018.	Budžet	Služba za poduzetništ., lokalni razvoj i finansije	Da
59.	Čišćenje i uređenje odvodnih kanala na polj zem. D.Orahovica i D. Lohinja	4.563,00	18.12.2018.	Grant	Služba za poduzetništ., lokalni razvoj i finansije	U toku
60.	Čišćenje i uređenje odvodnih kanala na polj zem. MZ Stjepan Polje	40.541,55	18.12.2018.	Grant	Služba za poduzetništ., lokalni razvoj i finansije	U toku
61.	Izrada oborinske kanaliz. kod Atifove pilane	6.780,15	20.12.2018.	Budžet	Služba za poduzetništ., lokalni razvoj i finansije	U toku
62.	Sanacija potoka na Drafnićima (Derva)	2.295,54	31.12.2018.	Budžet	Služba za poduzetništ., lokalni razvoj i finansije	Da

1.018.793,95

Takođe u okviru kapitalnih projekata završeni su i sljedeći projekti:

1. „Bušenje istražnih bušotina na području općin Gračanica“ –izbušeno šest istražnih bušotina na području općine Gračanica od kojih tri imaju pozitivne rezultate
2. „Sanacija postojećih i izrada novih obaloutvrda uz korito rijeke Četovilje i Džakulske rijeke u MZ Prijeko Brdo“- Sanirano i regulirano oko 150 m rijeke Četovilje i Džakulske rijeke
3. „Sanacija klizišta na lokalnom putu Malešići-Golaći“ –sanirano klizište i sabračajnica, te asfaltirano oko 110 m<sup>2</sup> iste.
4. „Sanacija klizišta na lokalnom putu Stjepan Polje-Jahići“- sanirano klizište i saobraćajnica, te asfaltirano oko 150 m<sup>2</sup> iste.
5. „Izvođenje radova na izgradnji vodovodnog podsistema Bijela Polja-Drafnici-Hurije-Seljanuša“ – Izgrađeno cca 2500m distributivn vododne mreže , izgrađen rezervoar od 150 m<sup>3</sup>
6. „Izvođenje radova na izgradnji vodovodnog podsistema Bijela Polja – Drafnici – Hurije - Seljanuša „- Izgrađeno vodovodne mreže cca 1200 m, ugrađeno 45 vodomjera, izgrađen rezervoar od 50 m<sup>3</sup>
7. „Rekonstrukcija i zamjena javne rasvjete u parku ispred Općine, MZ Gračanica“, zamijenjeno oko 60 rasvjetnih tijela sa energijski efikasnom rasvjetom

U toku 2018.godine posebna pažnja posvećena je unapređenju efikasnosti i efektivnosti u radu JLS. Praćenje dostignutih rezultata ostvareno je kroz „Matricu evaluacije upravljanja rezultatima“ razvijenu u okviru MEG projekta. Evaluacija obuhvata praćenje indikatora u oblasti upravljanja razvojem, odgovornost i participativno donošenje odluka, upravljanje uslugama vodosnabdjevanja i ekonomsko upravljanje. Kontinuiranom realizacijom indikatora ostvarenih rezultata radilo se na povećanju efikasnosti u radu organa uprave mjereno kroz konačnu ocjenu potvrđenu od strane konsultanata Projekta. Aktivnosti unapređenja nastaviće se i u narednom periodu.

U izvještajnom periodu urađen je i usvojen Pravilnik o planiranju, praćenju, vrednovanju i izvještavanju (PPVI), kojim je uspostavljena procedura za standardne metode planiranja, praćenja i vrednovanja godišnjeg rada Općinske uprave i izvještavanja u Općini Gračanica i osigurava adekvatno učešće relevantnih subjekata, a prvenstveno zaposlenih u Općinskoj upravi, u realizaciji svake od navedenih faza u procesu implementacije Strategije i obavljanja redovnih poslova. PPVI procedura je usklađena sa Budžetskim kalendarom i Zakonom o razvojnom planiranju i upravljanju razvojem u Federaciji BiH koji je donesen 2017.godine. Ovim Zakon uspostavljena je horizontalna i vertikalna koordinaciju planiranja razvoja u Federaciji. Aktivnosti oko koordinacije do sada su bile jako loše ili nepostojeće i u tom smislu ovaj zakon predviđa i uspostavljanje određenih tijela, koja će se baviti razvojem na nivou kantona, Federacije i jedinica lokalne samouprave. Na nivou Općine Gračanica Odsjek za lokalni ekonomski razvoj ima uloga jedinice za upravljanje razvojem (JURE).

S ciljem što efikasnijeg sistema praćenja lokalnog razvoja, u toku 2018.godine urađen je Izvještaj o implementaciji Strategije lokalnog razvoja u 2018.godini sa osvrtom na implemetaciju u periodu 2011.-2016.godine, kao dokument koji kroz definisan set indikatora, prati realizaciju razvojnih prioriteta u skladu sa dokumentom „Strategija lokalnog razvoja Općine Gračanica 2011.-2020.godine (revidirane Strategije lokalnog razvoja za period

2016.-2020.godine) sa preporukama za unapređenje ekonomskog i društvenog razvoja i prevazilaženje problema koji su kočnica razvoju. Izvještaj o implementaciji Strategije se sastoji od pregleda implementacije strategije po sektorima i projektima, detaljnog izvještaja o napretku pojedinih makro i sektorskih indikatora razvoja te preporuka koje bi trebali uraditi kako bi se poboljšalo stanje u privredi, društvenom razvoju i zaštiti životne sredine.

Pored izvještaja o implementaciji Strategije uređeni su i izvještaji o implementaciji: Akcionog plana energetske održivosti, Akcionog plana zaštite životne sredine, Akcionog plana socijalnog uključivanja u sistem socijalne/ dječije zaštite u odnosu na oblast vodosnabdijevanja i PKI-Programa kapitalnih investicija.

Akcionim planom energetske održivosti (SEAP), planirani su projekti i mjere koji doprinose realizaciji Sporazuma Gradonačelnika (Covenant of Mayors), čiji je podpisnik i općina Gračanica kojom se obavezala da reducira emisiju CO<sub>2</sub> za minimalno 20% do 2020.godine u odnosu na referentnu 2005.godinu. Obzirom da je Općina Gračanica do kraja 2017.godine realizovala 66,61 % od ukupno planiranog smanjenja emisije CO<sub>2</sub>, procjene su da će se do kraja 2020. godine ostvariti planirano smanjenje emisije CO<sub>2</sub>.

Izvještaj o stanju životne sredine sa uvrštenim konkretnim ekološkim indikatorima, predstavlja osnovu za praćenje napretka u sektoru zaštite životne sredine. S obzirom na nizak stepen implementacije Lokalni akcioni plan zaštite životne sredine (LEAP) Općine Gračanica za period 2012.-2017.godine, odlukom Općinskog vijeća period implementacije dokumenta LEAP je produžen do kraja 2020.godine.

U dokumentu „Izvještaja o implementaciji Akcionog plana socijalnog uključivanja u sistem socijalne/ dječije zaštite u odnosu na oblast vodosnabdijevanja“ date su preporuke da se unaprijedi baza podataka u Domu zdravlja Gračanica o zdravstvenom i psiho-fizičkom stanju djece do 18 godina starosti u cilju pravovremenog i blagovremenog djelovanja; poboljšana transparentnost i informiranost o radu NVO sektora prema određenim institucijama (unaprijediti saradnju i izvještavanje između NVO sektora i Centra za socijalni rad Gračanica poboljšati saradnju između Doma zdravlja Gračanica i JZU Opće bolnice „Dr.Mustafa Beganović“ Gračanica.

U 2018. godini urađena je „Informacija o aktuelnim privrednim kretanjima u Općini Gračanica u 2017.godini“. U ovom dokumentu izvršena je analiza ključnih finansijskih obilježja poslovanja preduzeća u 2017.godini sa uporednim pokazateljima za posljednje dvije godine, analiza finansijskog stanja i performansi poslovanja preduzeća, trendova i dinamike rezultata uspješnosti poslovanja preduzeća (privrednih subjekata) po područjima ekonomske aktivnosti (sektorima), te date preporuke sa ciljem unapređenja poslovanja i jačanja konkurentskih snaga preduzeća u Općini Gračanica

## **POLJOPRIVREDA**

U cilju intenziviranja razvoja poljoprivrede (implementacijom projekata i podsticaja koji doprinose razvoju poljoprivrede) kroz projekat „Inovacija u lancu vrijednosti suhe šljive“ u okviru projekta EU ProLokal finansiranog od strane švedske organizacije GIZ, uspostavljena 4 (četiri) inovativna i edukativna voćnjaka – nasada šljive površine 0,5 ha po voćnjaku (ukupne vrijednosti ulaganja do 61.216,00 KM bez PDV-a) i 7 voćnjaka za sanaciju starih do 5 (pet) godina površine 0,5 ha po voćnjaku (ukupne vrijednosti ulaganja do 23.632,00 KM bez PDV-a).

Pored redovnih aktivnosti na izradi evidencija,informacija, planova i izvještaja, kao što su:

- Evidencija o promjeni namjene poljoprivrednog zemljišta
- Plan i izvještaj o realizaciji proljetne sjetve za 2018.godinu,
- Izvještaj o realizaciji žetve strnih žita i prinosa ranih usjeva za 2018.godinu,
- Izvještaj o prinosima kasnih usjeva i voća za 2018.godinu,
- Izvještaj o stanju stočnog fonda za 2018.godinu,
- Plan jesenje sjetve za 2018.godinu,

U Odsjeku za privredu, poljoprivredu i ruralni razvoj je po zahtjevima stranaka urađeno:

- 84 poljoprivredne saglasnosti,
- 214 rješenja o ostvarivanju prava na novčanu podršku,
- 342 uvjerenja po članu 169. I 170. ZUP-u,
- 1507 planova proizvodnje po zahtjevu stranaka upisano u Registar gazdinstava,
- 36 novih gazdinstava upisano u Registar

U istom Odsjeku, na referatu za registracije i dozvole u izvještajnom periodu je podneseno je ukupno 292 zahtjeva stranaka, i to su uglavnom zahtjevi za izdavanje rješenja za obrt i srodne djelatnosti, osnivanje trgovačkih i ugostiteljskih radnji, objave radnji i djelatnosti, izmjene i usklađivanje rješenja sa Zakonom o obrtu i srodnim djelatnostima, Zakonom o unutrašnjoj trgovini, Zakonom o ugostiteljskoj djelatnosti i klasifikacijom djelatnosti, izdavanje rješenja o ispunjavanju minimalno tehničkih uslova, od čega je riješeno 292 zahtjeva dok su 3(tri) zahtjeva zbog nepotpune dokumentacije prenesena I riješena u prvom mjesecu tekuće godine.

U izvještajnom periodu je izdato 290 uvjerenja u skladu sa članom 169. Zakona o upravnom postupku, a ista su najčešće izdavana u svrhu regulisanja prava u Centru za socijalni rad i bankama, registracije motornih vozila za registrovani obrt te dokazivanja da nije bilo promjena nakon izdavanja rješenja o obrtu.

U izvještajnom periodu obavljani su i ostali poslovi, kao što je svakodnevni rad sa strankama, pružanje pravne pomoći strankama, Ministarstvima, Inspekcijским organima, Poreznoj upravi, obrtničkoj komori i drugim subjektima.

## **BUDŽET I JAVNE NABAVKE**

Odsjek za Budžet i javne nabavke je u 2018.godini imao sljedeće aktivnosti:

- Izrada i usvajanje Plana javnih nabavki za 2019.godinu,
- U okviru javnih nabavki provedeno je ukupno 163 postupka javnih nabavki i to kroz direktni postupak -95, konkurentski postupak -65, otvoreni postupak -3. Od navedenog broja provedenih postupaka 32 se odnosi na usluge, 30 se odnosi na robe a 101 se odnosi na radove. Ukupan broj poništenih postupaka u 2018.godini je 5(pet), a u postupanju po žalbama usvojeno je 3 žalbe a odbijeno 4 žalbe,
- Rad na izradi mjesečnih izvještaja o izvršenju Budžeta i dostavljanje istih općinskom načelniku i Šefovima Službi,
- Pribavljanje zahtjeva, analiza i izrada Dokumenta okvirnog budžeta (DOB-a) za 2019.-2021.godina
- Pribavljanje i analiza zahtjeva budžetskih korisnika/Službi za izradu Nacrta Budžeta,
- Izrada Nacrta Budžeta za 2019.godinu i Nacrta Budžeta za građane,
- Organizovanje i provođenje javne rasprave o Nacrtu Budžeta za 2019.godinu.

U cilju poboljšanja koordinacije implementacije projekata bilo bi neophodno što prije izvršiti popunjavanje radnog mjesta Stručni saradnik za praćenje realizacije ugovora, te donijeti Pravilnik o praćenju realizacije ugovora.

Takođe, vrijedno je napomenuti da se nastavilo sa praksom uvedenom prethodne godine na izradi i objavi Budžeta za građane, koji je prihvatljiviji i lakše razumljiv za građane, i kao

takav se objavljuje na web stranici Općine Gračanica i u printanoj formi stavlja građanima na raspolaganje.

U okviru aktivnosti na provođenju Zakona o finansijskom upravljanju i kontroli (FUK) u javnom sektoru u Federaciji BiH („Službene novine Federacije BiH“, broj: 38/16) i Pravilnika o provođenju finansijskog upravljanja i kontrole u javnom sektoru Federacije BiH („Službene novine Federacije BiH“, broj: 06/17), izvršeno je imenovanje Koordinatora za finansijsko upravljanje i kontrolu i Radne grupe za razvoj sistema finansijskog upravljanja i kontrole. S tim u vezi poduzete su aktivnosti na izradi dokumenata za provođenje FUK-a, zaključivanjem ugovora sa konsultantskom kućom a takođe je održana i jednodnevna radionica na obuci za provođenje sistema FUK-a.

### **INSPEKCIJSKI NADZOR**

U okviru inspekcijskih poslova u izvještajnom periodu:

- Izvršeno je 755 inspekcijskih nadzora,
- Doneseno je 221 rješenje,
- Izdato je 54 prekršajna naloga,
- Dostavljeno je 144 odgovora,
- Upućeno 239 zahtjeva, dopisa i upozorenja,
- Urađeno 60 zaključaka
- Riješeno je po 3 žalbe

Odsjek za inspekcijske poslove je u potpunosti odgovorio postavljenim mu zadacima. Gračanička privreda je i u prošlogodišnjim teškim uslovima privređivanja postigla značajne poslovne rezultate. To je rezultat, prije svega, rada menadžmenta, firmi i uposlenika. Općina je sa svoje strane činila sve kako bi bila efikasna u rješavanju zahtjeva privrednika, izgradnji infrastrukture i dr. u funkciji stvaranja povoljnijeg ambijenta, ali i izgradnji partnerstva na drugim projektima.

### **III UPRAVA, DRUŠTVENE DJELATNOSTI, BORAČKO-INVALIDSKA ZAŠTITA I ZAJEDNIČKI POSLOVI**

Tokom 2018. godine težište u radu Službe bilo je na unapređenju usluga građanima kroz bolju organizaciju usluga u prijemnoj kancelariji (šalter sali), uspostavljanje jednostavnijih procedura rada i poboljšanje procesa.

U cilju poticaja građana na ostvarivanje prava na informacije, Općina je putem Info pulta, i Vodiča za pristup informacijama i na drugi način usmjeravala građane na njihovo pravo u smislu Zakona o slobodi pristupa informacijama u Federaciji BiH. U toku godine zaprimljeno je 74 predmeta pristupa informacijama, za koje su redovno slati izvještaji o primjeni Zakona o slobodnom pristupu informacijama Parlamentu Federacije i Ombudsmenu.

U okviru **Odsjeka za opću upravu** rješavana su pitanja radno-pravnog statusa uposlenika, prijedlozi normativnih akata iz oblasti radnih odnosa, poslovi vezani za osnivanje i registraciju Javnih ustanova i javnih preduzeća (imenovanje upravnih i nadzornih odbora iz nadležnosti općine), vođenje matičnih knjiga i matičnog registra te izdavanje izvoda i uvjerenja iz matičnih knjiga, poslovi upravnog rješavanja iz oblasti primjene propisa o matičnim knjigama i državljanstvu.

Kao preduslov za uspješno obavljanje planiranih poslova i zadataka bilo je usvajanje Pravilnika o unutrašnjoj organizaciji jedinstvenog općinskog organa uprave usklađenog s novim Zakonom o državnoj službi Tuzlanskog kantona i podzakonskim aktima.

Omogućeno je licima visoke stručne spreme stručno osposobljavanje bez zasnivanja radnog odnosa.

U skladu sa Odlukom o broju i visini stipendija koju je usvojilo Općinsko vijeće, Odluke o izmjenama i dopunama, izmjenjene i dopunjene odluke o utvrđivanju uslova, kriterija i postupka dodjele stipendija učenicima srednjih škola i studentima, i odluke o deficitarnim zanimanjima, raspisan je konkurs za učenike i studente, pripremljena i objavljena privremena rang lista a nakon okončanog postupka po žalbama postupak dodjele stipendija za 2018/2019 godinu okončan je potpisivanjem ugovora sa stipendistima, u skladu sa sredstvima obezbijeđenim u budžetu.

Uposlenici Odsjeka prisustvovali su obukama iz oblasti primjene propisa o matičnim knjigama i propisa o vođenju matičnih registara, propisa o državljanstvu, primjene porodičnog zakona.

U svrhu pravilnog i pravovremenog obavljanja poslova koji se tiču prava i obaveza državnih službenika i namještenika te stručna usavršavanja propisana Zakonom vršena je koordinacija sa Agencijom za državnu službu TK te omogućeno državnim službenicima učešće na edukacijama koje je organizovala ADS TK.

U svrhu razmjene informacija ostvarena je dobra saradnja sa Zavodom za penzijsko i invalidsko osiguranje Federacije i Zavodom za zdravstveno osiguranje.

### **Centar za pružanje usluga (Šalter sala i pisarnica)**

U Centru za pružanje usluga građanima zaprimani su zahtjevi građana i usmjeravani na nadležnu službu za rješavanje predmeta, vršene ovjere dokumenata, naplaćivana administrativna taksa, izdavani izvodi i uvjerenja iz matičnih knjiga, pružani su savjeti i tehnička pomoć građanima.

U 2018.god. izvršeno je anketiranje korisnika usluga-Upitnik o zadovoljstvu građana javnim uslugama i radom Općinskog vijeća. Upitnik je pokazao rast zadovoljstva građana uslugama u odnosu na 2017.god. od najmanje 3% i to: ljubaznost osoblja u Općini, brzina usluge u Općini, cijena administrativnih usluga, pokrivenost Općine javnom rasvjetom, sportska dešavanja, rad Civilne zaštite, održavanje lokalnih puteva uključujući i zimsku službu, rad Centra za socijalni rad, prikupljanje otpada i odvoz smeća, cijena snadbijevanja vodom i rad ambulanti.

**Odjeljenje za društvene djelatnosti, boračko-invalidsku zaštitu i zajedničke poslove** izvršavalo je stručne, administrativne i druge poslove koji se odnose na: oblast izbjeglih i raseljenih osoba, boračko -invalidska zaštita, obrazovanje, zdravstvo, kultura, socijalna zaštita, fizička kultura i sport, podrška Agenciji za identifikaciona dokumenta, nevladin sektor i mladi iz nadležnosti lokalne uprave, poslove portira, kuhinje i druge poslove iz svoje nadležnosti.

- a) *U oblasti izbjeglih i raseljenih lica*, u saradnji sa Federalnim ministarstvom raseljenih osoba i izbjeglica a u cilju smanjenja broja lica koja nemaju adekvatan smještaj, najviše aktivnosti vođeno je na pronalaženju rješenja zbrinjavanja izbjeglih i raseljenih lica koja su u Općini Gračanica smještena u kolektivne centre i u alternativnom smještaju. U tom smislu Općina Gračanica je ušla u Projekat stambenog zbrinjavanja korisnika kolektivnih vidova smještaja kroz implementaciju projekta „Zatvaranje kolektivnih centara i alternativnog smještaja putem osiguranja javnih stambenih rješenja CEB II“.



**b) Poslovi u oblasti boračko-invalidske zaštite** - U skladu sa Zakonima rješavana su pitanja koja se odnose na korisnike porodične invalidnine, udove sa djecom šehida koja su nastavila dalje redovno školovanje ili su prekinula dalje redovno školovanje ili su napunili 25. godina starosti, rađena su rješenja u slučajevima smrti jednog od roditelja šehida, obzirom da dolazi do umanjenja novčanog iznosa invalidnine, te u slučajevima odjave sa osiguranja djece demobilisanih boraca OS ABiH koji su završili redovno školovanje odnosno odjave korisnika BIZ-a sa zdravstvene zaštite zbog regulisanja penzije putem PIO/MIO ili zbog zasnivanja radnog odnosa. Takođe su, po zahtjevu korisnika, izdavana rješenja za banjско-klimatsko liječenje, rješenja o troškovima dženaze-sahrane te ostali poslovi iz nadležnosti Odsjeka, koji se tiču boračko-invalidske zaštite.

**c) Oblast obrazovanja**

U oblasti obrazovanja, a u cilju pružanja podrške i u skladu sa Odlukom o broju i visini stipendija osnovnih i srednjih škola radilo se na unapređenju obrazovnih planova i programa.

U JU Dječije obdanište „Naša djeca“ pružana je pomoć oko organizovanja obaveznog predškolskog obrazovanja za djecu koja nisu boravila u JU Dječije obdanište te organizovanje produženog boravka djece školskog uzrasta.

**d) Oblast zdravstva**

U oblasti zdravstva Služba je obavljala poslove vezane za dobrovoljno prikupljanje krvi u saradnji sa Crvenim križom.

**e) Oblast kulture**

U oblasti kulture koordinirane su aktivnosti na organizaciji i sprovođenju kulturno zabavnih manifestacija: „Ljetne večeri pod lipama Gračanice“, „20. Festival dječijeg teatra BiH“, „svečane akademije povodom značajnih datuma za Općinu Gračanica (Dan odbrane Gračanice, Dan Općine), “Internacionalni festival folklor a i sevdaha Lukavica 2018“, manifestacijama koje su podržane kroz javni poziv za Nevladin sektor i omladinska udruženja: „Novogodišnji bazar“, „Dječije Nove godine“ i dočeka Nove godine na otvorenom i mnoge druge manifestacije gdje je Općina bila generalni pokrovitelj ili je učestvovala u organizaciji.

**f) Oblast socijalne zaštite**

U saradnji sa JU Centar za socijalni rad, a na osnovu ukazane potrebe, usvojena je Odluka o proširenju kruga korisnika prava na zdravstveno osiguranje te određeni Kriteriji za utvrđivanje korisnika prava na zdravstvenu zaštitu.

Provedene su procedure i aktivnosti u vezi sa besplatnom dodjelom udžbenika i školskog pribora učenicima Romske populacije, realizacije kao i dodjele premije zdravstvenog osiguranja za iste. Pripremljeni i potpisani Ugovori sa 12 Romskih porodica koji su useljeni u izgrađene stambene objekte u naselju „Javor“. Pružana je pomoć socijalno ugroženim i nacionalnim manjinama u ostvarivanju njihovih zakonskih prava.

Pismom namjere iskazan je interes Općine Gračanica za sudjelovanje u projektu Studija izvodljivosti za realizaciju projekta „Smanjenje siromaštva i isključenosti u BiH- trajna stambena rješenja za 1.000 najsiromašnijih višečlanih porodica u BiH“ u saradnji sa Ministarstvom za ljudska prava i izbjeglice BiH.

### **g) Oblast fizičke kulture i sporta**

U toku 2018.god. sportske aktivnosti na području naše općine ispoljavale se se kroz realizaciju zacrtanih programskih ciljeva 30 registrovanih sportskih kolektiva. U različitim sportskim disciplinama uglavnom su postignuti zadovoljavajući rezultati koji su prezentirani na tradicionalnoj sportsko -zabavnoj manifestaciji „Izbor sportiste općine Gračanica za 2018.god.“ U protekloj godini zabilježen je porast aktivnosti Sportskog saveza kroz organizaciju ili učešće u organizaciji sljedećih manifestacija: Klizalište, Sportsko-edukativna šetnja „U susret proljeću“, memorijalni marš „Zečev gaj“, otvoreno prvenstvo Gračanice u stonom tenisu, suorganizacija općinskog prvenstva osnovnih škola u atletici, organizacija rukometnih i humanitarnih utakmica veterana, obuka učenika neplivača, ulične trke učenika osnovnih i srednjih škola, realizacija projekta „Sport i igra kao značajan faktor fizičkog razvoja djece sa poteškoćama u razvoju“, izbor sportiste godine.

### **h) Oblast podrške Agenciji za identifikaciona dokumenta, evidencije i razmjenu podataka**

U ovoj oblasti Služba je odgovarala na sve zahtjeve za provjeru podataka propisanih od strane Agencije za identifikaciona dokumenta, evidenciju i razmjenu podataka.

### **i) Nevladin sektor i mladi**

Nastavljena je uspješna saradnja sa nevladinim organizacijama, pružena je stručna pomoć u izradi prijedloga projekta ili projektnog zahtjeva, proveden Javni poziv za dodjelu sredstava nevladinim organizacijama i omladinskim organizacijama po Lod metodologiji, nastavljene su aktivnosti u vezi sa formiranjem novog Omladinskog centra, utvrđane saradnja Vijeća učenika srednjih škola i općinskog Načelnika te realizovano nekoliko zajedničkih projekata.

Veći projekti realizovani sa nevladinim organizacijama i omladinskim organizacijama su:

#### **1. Sajam „Zlatne ruke Gračanice“**

Sajam ženskog poduzetništva koji je u 2018 godini obilježen po drugi put dobio je i zvanični naziv „Zlatne ruke Gračanice“.

Partneri na projektu bili su udruženje žena općine Gračanica, osnovne i srednje škole, Vijeće mladih općine Gračanica i BKC.

Na sajmu je izlagalo 27 izlagača od čega 24 udruženje žena i 3 škole.

Učešće na sajmu su uzela i udruženja žena iz općina Srebrenik, Lukavac, Tuzla, Žepče, Kalesija i dr.

Cilj projekta je promocija ženskog poduzetništva i jačanje položaja žene u BiH.

Tokom sajma organizovan je kulturno umjetnički program u kojem su nastupali kulturno umjetnička društva sa područja općine Gračanica, članovi Umjetničko obrazovnog centra, učenici osnovnih i srednjih škola.

#### **2. Obilježavanje Dana rijeke Spreče**

U saradnji sa Centrom za ekologiju i energiju iz Tuzle a u sklopu projekta „Dobre vodne komšije“ obilježen je Dan rijeke Spreče. Cilj obilježavanja je zaštita rijeke Spreče sa akcentom na donji sliv. Povodom obilježavanja organizovan je okrugli stol na temu zaštite rijeke Spreče na kojem su učestvovali predstavnici 6 općina koje su smještene uz rijeku Spreču, predstavnici 8 škola, predstavnici nevladinih organizacija i dr.

### 3. Izgradnja dječijeg igrališta u Donjoj Orahovici

Izgradnjom Dječijeg igralište Donja Orahovica poboljšao se kvalitet života djece u lokalnoj zajednici, stvoreni su uslovi za kvalitetniji život izbjeglih i raseljenih osoba te ojačao kapacitet za povratak raseljenih osoba. Izgradnja igrališta je doprinijela i povećanom sviješću roditelje i drugih građana o potrebama djece. Manifestacija zvaničnog otvaranja igrališta na Dan rijeke Spreče uveliko ostvareni su pozitivni komentari o zaštiti rijeke Spreče.

Igralište je ustupljeno Osnovnoj školi Donja Orahovica čime se riješila samoodrživost projekta na način da će škola biti zadužena za održavanje igrališta.

### 4. Zimski bazar

U sklopu programa „Zima U Gračanici „ realizovan je Zimski bazar koji je bio treći zimski bazar kojeg organizuje Općina Gračanica. U realizaciji bazara učestovali su udruženje žena općine Gračanica, Vijeće mladih općine Gračanica, osnovne i srednje škole i BKC.

Pored sajma ženskog poduzetništva tokom bazara upriličen je ugodan kulturno umjetnički program, proslava dječije Nove godine i takmičenje u pripremi Četenije.

## IV PROSTORNO UREĐENJE, GEODETSKI I IMOVINSKO PRAVNI POSLOVI

### 1. OBLAST PROSTORNOG UREĐENJA

#### 1.1. Rad po zahtjevima pravnih i fizičkih lica

Odjeljenje za prostorno uređenje tokom godine zaprimilo je i rješavalo predmete iz svoje nadležnosti po zahtjevima pravnih i fizičkih lica. U odnosu na 2017. godinu Odjeljenje za prostorno uređenje povećan je broj zahtjeva za urbanističke saglasnosti i upotrebne dozvole, a broj zahtjeva za građevinske dozvole bio je približan broju iz 2018. Pregled predmeta Odjeljenja za prostorno uređenje dat je u TABELI 1.


**TABELA 1-podaci za 2018. Godinu**

VRSTA ZAHTJEVA		ZAPRIMLJENO
1.	Urbanistička saglasnost i naknadna urbanistička saglasnost	589
2.	Odobrenje za građenje objekta i naknadno odobrenje za građenje	240
3.	Tehnički prijem objekta i upotrebna	185
4.	Privremeno korištenje i zauzimanje javne površine	47
5.	Komunalne naknade za priključak na vodovodnu mrežu	20
6.	Potvrde i uvjerenja	194
<b>UKUPNO</b>		<b>1275</b>

U odnosu na 2017. u 2018. godini je smanjeno investiranje u izgradnju poslovnih objekata. Odobrenja za građenje su se odnosila na dogradnje postojećih poslovnih objekata objekata u cilju proširenja za potrebe proizvodnje i na izgradnju malih i srednjih poslovnih objekata korisne površine do 1500 m<sup>2</sup>. Zahtjevi podneseni od strane privrednika imali su prioritet u rješavanju. Odbrenja za građenje objekta izdavana su u roku od 7 dana za zahtjeve

koji su bili kompletirani.

Kao i prethodnih godina, vođenje upravnih postupka iz oblasti prostornog uređenja i dalje je usporeno i opterećeno pribavljanjem različitih dozvola od nadležnih ministarstava (rješenje o pretvorbi poljoprivrednog zemljišta u građevinsko, okolinska dozvola, vodne saglasnosti, dozvola za priključak na magistralni ili regionalni put i sl).



## 1.2. Prostorno planska dokumentacija

Za potrebe održavanja građaničkog sajma Služba je izradila ODLUKU o rezervisanim površinama za sajmište i tehnološko - inkubacioni centar Gračanica koja je razmatrana i usvojena sjednici OV.a u februaru.

Zbog zahtjeva za izgradnju novih objekata u zoni obuhvata Regulacionog plana „Centar“, koji su pristigli u službu, a koji su nastali zbog promjene vlasnika nekretnina Služba je decembru 2018. godine za sjednicu Općinskog vijeća pripremila Odluku o pristupanju izmjenama i dopunama Regulacionog plana „Centar“ Gračanica koji je OV-e i usvojilo.

Služba je također na zahtjev Ministarstva u julu 2018. godine organizovala javnu raspravu o Nacrtu Izmjena i dopuna Prostrnog plana TK-a 2005-2025 pri čemu je upućeno javni poziv građanima putem Radio Gračanice i web stranice Općine, a privrednicima su dodatno upućeni pozivi da se uključe u ovu raspravu. Na sjednici OV-a održanoj u avgustu Služba je prezentovala pripremljeni Nacrt, stavove Službe, stavove s javne rasprave nakon čega je OV-e donijelo Zaključak o neprihvatanju Nacrta Izmjena i dopuna Prostrnog plana TK-a. Za potrebe izrade ovog nacrta služba je u januaru 2018. godine izradila i Izvještaj o stanju prostora te ga uputila resornom Ministarstvu.

### 13.3. Izgradnja objekata

U izvještaju za 2018. godinu može se konstatovati mali procenat povećanja broja izdatih odobrenja za građenje objekata, ali je smanjen broj zahtjeva za izgradnju poslovnih objekata o odnosu na 2017. godinu, a povećan je broj zahtjeva za stambene i pomoćne objekte. Zahtjevi koji se odnose na izgradnju poslovnih objekata odnosili su se na dogradnje postojećih poslovnih objekata objekata u cilju proširenja za potrebe proizvodnje i na izgradnju malih i srednjih poslovnih objekata korisne površine do 1500 m<sup>2</sup>. Zahtjevi podneseni od strane privrednika imali su prioritet u rješavanju, odobrenja za građenje objekata izdavana su u roku od 7 dana za zahtjeve koji su bili kompletirani.

U stambenoj izgradnji-objekti kolektivnog stanovanja izdata je jedna građevinska dozvola za izgradnju ukupno 22 stambene jedinica.

**TABELA 2**

INVESTITOR	OBJEKAT	LOKACIJA	korisna površina
„MIRNA” d.o.o.	stambenog objekta kolektivnog stanovanja faza II	Gračanica	1835 m <sup>2</sup>
<b>UKUPNO NOVIH KVADRATA OBJEKTA KOLEKTIVNOG</b>			1835 m <sup>2</sup>
<b>UKUPNO NOVIH STANOVA</b>			<b>22</b>

U TABELI 3 dati su podaci o poslovnim objektima za koje su u toku godine izdata odobrenje za građenje.

**TABELA 3**

INVESTITOR	OBJEKAT	LOKACIJA	korisna površina
„BEMA BA“ d.o.o. Gračanica	dogradnja poslovnog objekta	Donja Lohinja – Pribava	1504 m <sup>2</sup>
„DŽAMBO GROUP“ d.o.o. Gračanica.	Poslovni SKLADIŠTE	Donja Lohinja	468 m <sup>2</sup>
„HASULJA“ d.o.o. Soko	Poslovni	Gračanica	1350 m <sup>2</sup>
Avdić Suda – HOTEL “SAX”	Dogradnja, nadgradnja Poslovni	Gračanica	438 m <sup>2</sup>
Humić Enisa	dogradnja, rekonstrukcija i promjena namjene - apartmani	Gračanica	624 m <sup>2</sup>
„SLT ENTERPRISE“ d.o.o. Gračanica	Poslovni	Gračanica	626 m <sup>2</sup>
„SUMAN“ d.o.o. Gračanica	Poslovni-dogradnja objekta	Gračanica	303 m <sup>2</sup>
„TRGOVIR“ d.o.o..	dogradnja poslovno-proizvodnog objekta	Stjepan Polje	1653 m <sup>2</sup>
„TRGOVIR“ d.o.o.	poslovno-proizvodnog objekta	Stjepan Polje	2725 m <sup>2</sup>

"VARIPLAST" d.o.o.	poslovno - proizvodni	Gračanica	419 m <sup>2</sup>
„WIRAC.NET“ d.o.o.	dogradnja, nadogradnja, rekonstrukcija krova i promjena namjene tavanskog prostora	Gračanica	538 m <sup>2</sup>
„ZEKA-COMERC“ d.o.o.	dogradnja izgrađenog poslovnog objekta – tržnog centra u Gračanici	Gračanica	1060 m <sup>2</sup>
Ključić Mirsadu	dogradnja poslovnog objekta	Gračanica	673
Korić Asimu	poslovni objekta	Gračanica	315 m <sup>2</sup>
Mehurić Nezir	Poslovni-dogradnja objekta	Pribava.	342 m <sup>2</sup>
<b>UKUPNO NOVIH KVADRATA POSLOVNIH OBJEKTA</b>			<b>13038 m<sup>2</sup></b>

U izvještaju je takođe potrebno istaknuti da je po službenoj dužnosti izdato i odobrenje za izgradnju potisnih i distributivnih cjevovoda i vodoopskrbnih objekata za vodovodni podsistem Bijela Polja – Drafnići – Hurije na području k.o. Gračanica, Piskavica, D. Lohinja – Pribava i Gornja Lohinja, jedan od značajnih infrastrukturnih objekata u oblasti vodosnabdijevanja i da su radovi na izgradnji u toku.

## 2. OBLAST STAMBENO-KOMUNALNIH POSLOVA

U toku 2018. godine u oblasti stambenih poslova provedena je procedera donošenja Pravilnika o uslovima za obavljanje poslova upravitelja i Uputstva o načinu promjene upravitelja koje je OV-e usvojilo na sjednici održanoj u maju. Usvajanju ovog Pravilnika prethodila izrada nacrtu ovih dokumenata, njihovog usvajanja na OV-u, održavanja javne rasprave i izrada prijedloga dokumenata.

Služba je pripremila Nacrt Odluke o privremenom korištenju javnih površina i Nacrt Odluke o visini naknade za zakup javnih površina radi postavljanja privremenih objekata koje je OV-e usvojilo i o kojima je provedena javna rasprava.

U oblasti komunalnih poslova vršena je koordinacija i nadzor nad redovnim komunalnim poslovima: održavanje čistoće grada, održavanje zelenih parkova i zelenih površina, prikupljanju i odlaganju komunalnog otpada, održavanju javne rasvjete. Svi nabrojani poslovi obavljani su uspješno i bez zastoja, a prema raspoloživim novčanim sredstvima. Organizovano je vršeno prikupljanje i odlaganje komunalnog otpada. O odvijanju poslova iz komunalne oblasti služba je redovno pripremala informacije i izvještaje koji su razmatrani na redovnim sjednicama OV-a

Tradicionalni gračanički Vašer organiziran je i održan na uobičajeni način. Osim velike gužve, nisu zabilježeni nikakvi incidenti.

Poslovi zimskog održavanja, vršili su se kontinuirano i bez poteškoća, prema usvojenom planu zimskog održavanja grada.

Zbrinjavanje napuštenih životinja koje obavlja JP Vetrinarska stanica odvijalo se bez većih problema.

### **3. OBLAST GEODETSKIH I IMOVINSKO-PRAVNIH POSLOVA**

#### **3.1. Harmonizacija katastarskih i zemljišnoknjižnih podataka**

Treći Sporazum o harmonizaciji podataka između FGU i Općine Gračanica potpisan je 21.11.2017. godine broj 02-30-03739-2017. godine. Sporazumom su utvrđene obaveze i nadležnosti strana potpisnica u pogledu realizacije aktivnosti sistemskog ažuriranja podataka o nekretninama katastra zemljišne knjige u katastarskim općinama :

- a) Stjepan Polje
- b) Miričina i
- c) Lukavica

Harmonizacija se vrši za 3989 parcela u KO Stjepan Polje, 2610 parcela u KO Miričina i Donja Lohinja–Pribava i 3157 parcela u KO Lukavica.

Od strane FGU 20.03. 2018. godine Općina Gračanica je obaviještena da počinje realizacija Projekta usaglašavanja podataka katastra i zemljišnih knjiga za katastarske općine Stjepan Polje, Miričina i Lukavica, a da je nakon provedenog tenderskog postupka, FGU za ove poslove zaključila ugovor sa izvođačima radova: JV „TraffiCon“ d.o.o Zagreb, „TraffiCon“ d.o.o. Odžak&“Gauss“ d.o.o. Tuzla.

U toku 2018. godine vršeni su poslovi koji su u obavezi Općine Gračanica: pregled i ovjera prijavnih listova, izrada sanacionog plana i ovjera i pregled diobnih planova stambenih zgrada radi zamjene/uspostave zemljišne knjige (odnosi se na stambene zgrade u kojima je minimalno jedna etažna jedinica upisana u knjigu položenih ugovora tj bila predmet otkupa u privatizaciji stanova na kojima je postojalo stanarsko pravo) su završeni.

U 2018. godini završen je projekat harmonizacije podataka za za KO Donja Lohinja-Pribava i Orahovica Donja. Prema Izvještaju FGU od 22.10.2018. dva prethodna sporazuma su uspješno implementirana, a što se mjeri rokom i procentom riješenih predmeta. U toku realizacije ova dva sporazuma izvršena je harmonizacija 23.113 parcela. Za katastarske parcele harmonizirani su brojevi (parcele sada imaju jedan, isti, broj) i površine, upisani stvarni vlasnici nekretnina (“očišćen” grunt). Na ovaj način je, bez vođenja dugotrajnih (višegodišnjih) skupih sudskih sporova oko dokazivanja vlasništva nad nekretninama, izvršen upis stvarnih vlasnika.

#### **3.2. Evidencija katastarskih podataka, pregled, distribucija i održavanje i imovinsko-pravni poslovi**

U toku izvještajnog perioda Služba je zaprimila i riješila 1285 zahtjeva koji se odnose na poslove provođenja: kupoprodaja, poklon, nasljedstvo, zamjena parcela i sl., poslove, a 546 za provođenja promjena na katastarskom planu: cijepanje, spajanje parcela, promjena kulture, uplanjenje objekata.

Služba je zaprimila 1643 zahtjeva za kopiju plana i 7566 zahtjeva za posjedovne listove. Uspješno održavamo dostignutu visoku profesionalnost i kvalitet u pružanju šalterskih usluga Katastra, a čemu doprinosi i jedinstven informacijski sistem katastra Federacije Bosne i Hercegovine, Katastar.ba. Svi traženi dokumeneti izdaju se odmah, čeka se koliko je potrebno da se traženi dokument izradi.

U postupcima davanja prijedloga i izvođenja radova na sanaciji klizišta, puteva, riječnih korita, mostova i drugih infrastrukturnih projekata vršena su detaljna geodetska snimanja i izrađene skice snimanja lokacija kako bi se lakše mogla izraditi tehnička rješenja za sanaciju ili izvoditi radovi na sanaciji. Službe je koordinirala između

investitora, projektanta, izvođača i nadzora u projektu rekonstrukciju ceste u dužini L=150 m i uređenje kružne raskrsnice - izrada kružnog toka i natkrivanje rijeke Sokoluše kod Doma zdravlja u Gračanici. Vršena su detaljna geodetska snimanja i priprema podloga za izmjene projekta, a takođe se vrši redovno geodetsko snimanje na izgradnji.

U novembru 2018. godine nakon uspješno provedenih priprema potpisan je Ugovor sa FGU o uspostavi Adresnog registra za Općinu Gračanica.

U oblasti imovinsko-pravnih poslova prema važećim zakonima u toku 2018. godine redovno su pripremane odluke, rješenja i zaključci za sjednice Općinskog vijeća. Rješavani su imovinski odnosi za nastavak izgradnje kanalizacione mreže u gradu, WATSAN projekat naselje Čiriš, Lendići i dr. Rješavani su imovinski odnosi za uređenje korita rijeke Sokoluše na ušću u Spreču itd i za izgradnju vodovodnog sistema Bijela Polja – Drafnići – Hurije.

## V CIVILNA ZAŠTITA

Rad Službe za civilnu zaštitu Općine Gračanica (u daljem tekstu Služba) u 2018. godini odvijao se na osnovu Programa rada Općinskog vijeća i Općinskog načelnika za 2018. godinu, Programa rada i Akcionog plana rada Službe za 2018. godinu, a prema važećim zakonskim i podzakonskim propisima, preporukama i upustvima nadležnih Federalnih i kantonalnih organa. Takođe, rad Službe je prilagođavan opštim i posebnim zadacima i aktivnostima iz nadležnosti Općine kao organa vlasti, te procjene o potrebi organizovanja i preduzimanja preventivnih i operativnih mjera zaštite i spašavanja ljudi i materijalnih dobara, u skladu sa raspoloživim ljudskim i materijalno-tehničkim resursima.

Analizirajući realizaciju programskih zadataka u 2018. godini, imajući u vidu širok dijapazon djelovanja Službe i njenu opremljenost neophodnim materijalno-tehničkim sredstvima i ljudstvom, može se konstatovati da je Služba svoje zadatke uspješno i u potpunosti realizovala, prije svega zahvaljujući angažovanju svih zaposlenih u Službi, ali i dobro uspostavljenom saradnjom sa ustanovama, organima i organizacijama kojima je zaštita i spašavanje ljudi i materijalnih dobara osnovna djelatnost, kao i onih koje su u zaštitu i spašavanje uključivane po potrebi, kao što su privredni i drugi subjekti, mjesne zajednice, udruženja građana i sl.

Osnovne aktivnosti Službe u toku izvještajnog perioda bile su usmjerene na:

- poslove i zadatke koji su zakonom i drugim propisima stavljeni u nadležnost Službe za civilnu zaštitu kao i prenesenih zadataka od strane Kantonalne i Federalne uprave civilne zaštite,
- poslove i zadatke koji proističu iz Programa rada i zaključaka Općinskog vijeća i Općinskog načelnika Općine Gračanica i
- ostale redovne poslove i aktivnosti iz djelokruga Službe.

### Realizacija akata i naredbi Službe za civilnu zaštitu i Općinskog štaba civilne zaštite:

U izvještajnom periodu u Službi za civilnu zaštitu realizovana su 163 predmeta - akata, od čega se 93 predmeta odnose na izvršavanje poslova u komunikaciji sa Kantonalnom upravom i Kantonalnim štabom civilne zaštite, 6 sa Federalnom upravom civilne zaštite, 32 akta sa „A” TUN timom, 4 prema Općinskom sudu Gračanica, 6 prema Savezu općina i gradova Federacije BiH, dok je ostatak akata realizovan u komunikaciji sa drugim organima, organizacijama i ustanovama od općinskog do državnog nivoa.

U skladu sa Programom rada Općinskog vijeća Gračanica za 2018. godinu Služba za civilnu zaštitu je pripremila i predložila 2 teme koje su razmatrane i usvojene: Informacija o stanju zaštite od požara i vatrogastva, praćenju i izvršenju Plana zaštite od požara na području



općine Gračanica u 2017. godini (u februaru), Informacija o stanju zaštite građana od neeksplozivnih i minsko eksplozivnih sredstava u 2018. godini ( u decembru).

Pored naprijed navedenih materijala na radnim sjednicama Općinskog štaba civilne zaštite razmatrani su i usvojeni: Izvještaj o radu OpŠCZ za 2017. godinu, Izvještaj o realizaciji Godišnjeg plana prikupljanja, raspodjele i korištenja sredstava posebne naknade u 2017. godini, Godišnji plan prikupljanja, raspodjele i korištenja sredstava posebne naknade za 2018. godinu.

Zbog velikih količina padavina početkom maja mjeseca, izlivanja rijeka i potoka i pojave klizišta i odrona, koji su registrovani na više lokacija na području općine (naročito teško stanje puta preko Monja, klizišta u Stjepan Polju, Malešićima, Gračanici dr.), Općinski štab civilne zaštite je na sjednici držanoj 07.05.2018. godine predložio Općinskom načelniku donošenje odluke o proglašenju stanja neposredne opasnosti od poplava i klizišta, što je Općinski načelnik i učinio.

Služba za civilnu zaštitu je kao tehnička i stručna služba Općinskog štaba civilne zaštite u 2018. godini obradila i realizovala 43 predmeta, od čega su 4 naredbe, a 39 su odluke i zaključci. Na svečanoj sjednici Štaba održanoj 28.02.2018. godine dodijeljena su priznanja i nagrade pojedincima i organizacijama povodom 1.marta-Dana civilne zaštite.

Tokom 2018. godine Operativni centar civilne zaštite je izvršio 12 provjera ispravnosti sistema za javno uzbuđivanje na području općine Gračanica (svakog 01. u mjesecu u 12,00 sati) i uradio izvještaje o njegovom stanju za Kantonalnu upravu civilne zaštite. Vršeno je kontinuirano praćenje klimatskih prilika na području općine Gračanica (mjerenje temperature zraka, radnim danima u 07,30 i 14,00 sati, visine sniježnog pokrivača, vodostaja rijeke Spreče i sl.), a podaci o tome svakodnevno ( radnim danima) dostavljani su šefu Službe za civilnu zaštitu, Radio Gračanici i Kantonalnom operativnom centru civilne zaštite.

### Zaštita i spašavanje od prirodnih i drugih nesreća

Godina 2018. je imala dva potpuno različita dijela, prvi sa obilnim kišnim padavinama koje su uzrokovale poplave i klizišta i u drugoj polovini godine potpuni izostanak padavina do decembra mjeseca, što je znatno smanjilo prinose poljoprivrednih usjeva i izazvalo poteškoće u snabdijevanju vodom nekih mjesnih zajednica.

Evidentan je bio i porast vodostaja rijeka: Sokoluše, Drijenče, Orahovačke, Lukavičke i dr. vodotoka, tako da je u martu zabilježeno plavljenje 150 ha poljoprivrednog zemljišta, a slične pojave zabilježene su i u aprilu i maju mjesecu.

Uposlenici Službe za civilnu zaštitu su pratili stanje na svim vodotocima, putem Operativnog centra, kao i obilaskom karakterističnih lokacija duž vodotoka rijeke Spreče. U stanje na terenu uvid su napravile i novinarske ekipe Radio Gračanice, RTV TK i Dnevnog avaza, a redovno je izvještavana i Federalna i Kantonalna uprava civilne zaštite.

Zbog prijeteće opasnosti, mnoge firme u industrijskoj zoni su takođe, bile u stanju pripravnosti i angažovale uposlenike za eventualnu odbranu i evakuaciju materijalnih dobara.

Kao posljedica velikih količina padavina došlo je do pojave klizišta i odrona, koji su registrovani na putu Doborovci-Džakule, preko Monja, u MZ G.Orahovica-Dobrnjići i na Regionalnom putu R-461, u Gračanici na putu Ritošići-Pribava, na Crnom putu (od Bakićkog potoka), u MZ Malešići-Golaći, MZ Stjepan Polje-Jahići i dr.

Zbog takve situacije Općinski štab civilne zaštite je dana 07.05.2018. godine održao vanrednu sjednicu na kojoj je predloženo da Općinski načelnik donese odluku o proglašenju

stanja neposredne opasnosti od poplava i klizišta. Ista je sa navedenim danom i donesena od strane Općinskog načelnika.

Općinski štab je, razmatrajući stanje na terenu najveću odgovornost pripisao JP "Spreča", zbog neblagovremene reakcije u cilju stvaranja potrebnih uslova za prihvatanje većih količina vode, pa je upućen dopis nadležnim institucijama (Kantonalno ministarstvo poljoprivrede, šumarstva i vodoprivrede i JP "Spreča" Tuzla, Direkcija cesta TK, Direkcija cesta FBiH, Agencija za vodno područje rijeke Save i dr) i od navedenih institucija zatražio preduzimanje mjera na zaštiti ljudi i njihove imovine u domenu svojih nadležnosti i odgovornosti.

U drugom dijelu godine je vladao period bez padavina, što je imalo za posljedicu smanjenje prinosa svih poljoprivrednih kultura, a u nekim mjesnim zajednicama je bio izražen problem nedostatka vode za piće, pa je vršen prevoz cisternama PVJ Gračanica. Sredinom decembra mjeseca palo je više od 0,5 m snijega, ali su službe za održavanje puteva na vrijeme preduzele mjere na raščišćavanju, tako da nije bilo prekida u odvijanju saobraćaja.

U 2018. godini sanirano je više klizišta i odrona, među njima dva velika: Jahići u Stjepan Polju i Golaći u Malešićima, a u ovom segmentu značajne su bile i aktivnosti spoljnog saradnika-geologa u opservaciji klizišta, predlaganju sanacionih mjera i nadzorovanju na izvršenju radova na sanaciji nekih klizišta..

Tako su u 2018. godini spoljni saradnik- geolog u saradnji sa uposlenicima Službe za civilnu zaštitu izvršili terensku opservaciju na 9 lokaliteta, izvršili pregled 8 oštećenih i ugroženih objekata, te uradio 10 stručnih izvještaja sa procjenom stanja i prijedlogom daljih aktivnosti, davane su stručne upute građanima za mjere koje mogu sami preduzeti u zaštiti svojih objekata.

Uposlenici Službe za civilnu zaštitu i Komisija za procjenu šteta imala je 12 izlazaka po prijavi pojava različitih prirodnih nesreća i šteta od njih na objektima, putnim komunikacijama i drugim objektima.

## **Zaštita i spašavanje od neeksplozivnih ubojnih sredstava**

I u 2018. godini aktivnosti na provođenje preventivnih i oprativnih mjera zaštite i spašavanja od neeksplozivnih ubojnih sredstava i minsko eksplozivnih sredstava (u daljem tekstu NUS-a i MES-a) su bile među važnijim aktivnostima Službe za civilnu zaštitu.

Provođenje ove mjere zaštite i spašavanje vršeno je kroz nekoliko važnih aktivnosti, a to su:

- preuzimanje, uklanjanje i uskladištavanje NUS-a i MES-a,
- saradnja sa TUN timovima FUCZ i KUCZ, predstavnicima EUFOR-a, jedinicama Oružanih snaga BiH i policije, vezano za preuzimanje i uklanjanje NUS-a.
- saradnja sa BH MAC-om, Ured u Tuzli u cilju obrade projekata sumnjivih površina od mina i njihovog kandidovanja za postupke deminiranja, tehničkog izviđanja i trajnog obilježavanja.


Služba za civilnu zaštitu je zaključno sa 31.12.2018. godine u 19 preuzimanja prikupila 1409 komada različitih neeksplozivnih ubojnih i minskoeksplozivnih sredstava, bilo u službenim prostorijama, bilo na terenu.

Upućeno je 26 zadataka „A“ TUN timu Federalne uprave civilne zaštite za preuzimanje i uništavanje prikupljenih sredstava.

Sva prikupljena sredstva zaključno sa 31.12.2018. godine su predata „A“ TUN timu na uništavanje.

Broj prikupljenih neeksplozivnih i minsko-eksplozivnih sredstava zaostalih iz rata i dalje ima trend smanjivanja i po broju i raznovrsnosti, što smanjuje opasnost po život i

zdravlje ljudi namjernom ili nenamjernom upotrebom. Bez obzira na ove činjenice, ova i dalje prisutna opasnost stavlja pred Službu za civilnu zaštitu i strukture koje se bave ovom problematikom obavezu još aktivnijeg rada na prikupljanju tih sredstava i upozoravanju stanovništva na opasnosti od njih, te promociju dobrovoljne predaje i prijavljivanja takvih sredstava nadležnim organima. Ovo se nameće kao imperativ, pogotovo nakon pogoršanja sigurnosne situacije u cijelom svijetu.



### Pregled prikupljenog NUS-a za period 1996. – 2018. godina


Na sjednici Općinskog vijeća Gračanica održanoj dana 27.12.2018. godine razmatrana je i usvojena Informacija o stanju zaštite građana od neeksplozivnih i minkoeksplozivnih sredstava na području općine Gračanica u 2018. godini.

#### Aktivnosti na deminiranju


Prema minskoj situaciji na području TK (izvor BH MAC-a od 16.11.2018. godine) ukupna sumnjiva površina od mina na području općine Gračanica iznosi 8.676.930 m<sup>2</sup> što je 4,09 % ukupne površine općine (212,2 km<sup>2</sup>), od čega je:

- I kategorija** – 1.483.430 m<sup>2</sup> ili 17,10 % od ukupne sumnjive površine
- II kategorija** – 2.060.520 m<sup>2</sup> ili 23,74 % od ukupne sumnjive površine
- III kategorija** – 5.132.970 m<sup>2</sup> ili 59,16 % od ukupne sumnjive površine

Odnos rizične površine prema ukupnoj površini općine



## Rizična površinama po kategorijama



Sumnjive-rizične površine su prostori između bivših linija konfrontacije AR BiH i VRS, što potvrđuju i minske nesreće koje se dešavaju na tim površinama, a te površine su najveće na sjevernom dijelu teritorije općine (Trebava) i u dijelu Lendića. Koliko su mine opasne „ubice na čekanju”, pokazuje i broj nastradalih u poslijeratnom periodu. Tako je na području Općine Gračanica od 1996. godine do danas od mina poginulo 10 osoba ( među poginulim je i 1 deminer), 9 je teže i 6 lakše ranjeno.

Dokaz da mine ne gube svoja ubojna svojstva protokom vremena je stradanje ovaca u označenoj zoni službenim znacima na sumnjivu površinu od mina koja se desila u Gornjem Skipovcu, zaseok Topalovići gdje je smrtno stradalo 16 ovaca. Na zadatku uviđaja i izvlačenja nastradalih ovaca pored Službe za CZ i policije anagažovani su predstavnici Federalne i kantonalne uprave civilne zaštite sa timovima iz Tuzle i Žepča, kao ljudstvo i vozila Hitne medicinske pomoći Doma zdravlja u Gračanici, kao i mediji TVTK, Radio Gračanica i Dnevni avaz.

Sigurna je samo ona površina koja je deminirana ili površina bez vidljivog rizika od mina za koju je izdat odgovarajući certifikat od strane nadležne institucije-BH MAC-a.

Međutim, i pored ovih činjenica, česta je pojava ulaska neodgovornih lica u površine koje se nalaze iza znakova minske opasnosti (sječa drva), što može imati neželjene posljedice.

Općinski plan prioriteta deminiranja i tehničkog izviđanja i lista prijedloga prioriteta trajnog obilježavanja rizičnih površina od mina se svake godine dostavljaju Kantonalnoj upravi civilne zaštite, odnosno Regionalnom uredu BH MAC-a u Tuzli, kako bi se formirala kantonalna lista prioriteta, što je prvi korak u pokretanju aktivnosti za iznalaženje sredstava za realizaciju projekata sa te liste. Općinama je ostavljena mogućnost da obezbjeđenjem vlastitih sredstava za deminiranje u općinskim budžetima i na drugi način (donatori) utiču na smanjenje rizičnih površina na svojim područjima. U općinskom planu prioriteta deminiranja za 2019. godinu Kantonalnoj upravi civilne zaštite i BH MAC-u predloženo je 15 projekata, uglavnom sa područja Lendića i Skipovca.


Služba za civilnu zaštitu provodi i upozoravanje stanovništva na postojanje minske opasnosti u saradnji sa školama, udruženjima građana i nevladinim organizacijama, kao i putem programa Radio Gračanice i Televizije Tuzlanskog kantona, te na taj način daje svoj doprinos zaštiti stanovništva od ovih “skrivenih ubica”. Pored upozorenja putem lokalnog radija, pažnja stanovništva na ovaj problem se skreće i plakatima, lecima i drugim

propagandnim materijalom kao i zajedničkim radom sa Općinskom organizacijom Crvenog križa u Gračanici. Ova saradnja je najintezivnija u organizovanju i provođenju takmičenja učenika osnovnih škola na temu upozoravanja na opasnosti od mina, koje se održava svake godine. Općinsko takmičenje održano je u Osnovnoj školi „Stjepan Polje” u Stjepan Polju 14.11.2018. godine uz učešće 11 ekipa (3 učenika i mentor), a pobjedila je ekipa OŠ „Hasan Kikić” iz Gračanice.

Kao što je rečeno na početku, ekonomska kriza poslednjih godina i opadanje interesa donatora doprinijeli su da je sve manje donatorskih sredstava za deminiranje, a sredstva koja za ove namjene izdvajaju državne, Federalne i kantonalne institucije, kao i općine, nisu dovoljna da značajnije podrže ovaj segment stvaranja sigurnosti građana. Iz tog razloga su u 2018. godini na području općine nije realizovan ni jedan projekat deminiranja.

U periodu od 2000.godine kada je počeo proces deminiranja na području općine, do 31.12.2018. godine deminirana je površina od 1.485.831,05 m<sup>2</sup>, svrstana u 46 projekata, a najviše ih je bilo iz programa deminiranja obale i korita rijeke Spreče, zatim Skipovca, Lendića i 1 projekat na Stražbi.

U 2018. godini Služba za civilnu zaštitu je BH MAC-u uputila i 2 zahtjeva za stručno mišljenje o minskom riziku određenih površina. Prvi zahtjev se odnosi na parcele na lokaciji Grabovac u cilju izgradnje objekata za lica koja su pretrpila štetu od prirodnih nepogoda, dok je drugi zahtjev u ime građanina koji želi da vrši eksploataciju šume, u MZ Lukavica, na granici sa D.Skipovcem



### Pregled deminiranih površina općine Gračanica u periodu 2000. - 2018. godina Ukupna deminirana površina: P = 1.485.831,05 m<sup>2</sup>

I dalje se od Institucija BH MAC-a traži kontinuirano provođenje aktivnosti i na održavanju i obnavljanju minskih ograda i znakova upozorenja na opasnost od mina na terenu što je zakonska obaveza.

### Zaštita od požara

U svojim aktivnostima na provođenju mjera zaštite i spašavanja, Služba za civilnu zaštitu posebnu pažnju posvećuje mjeri zaštite od požara, s obzirom na požarno opterećenje teritorije općine (raznovrsna industrija, benzinske pumpe i šumske površine). Ova mjera

zaštite i spašavanja se provodi kroz aktivnosti Odsjeka za protivpožarnu zaštitu - PVJ Gračanica, ali i svih pravnih lica, ustanova i građana.

U toku 2018. godine PVJ Gračanica je na području općine imala 73 intervencije, od čega je 62 protivpožarnih, a 12 je bilo tehničkih.

U intervencijama PVJ na području općine Gračanica učestvovalo je 155 vatrogasaca (141 redovno angažovana i 14 vanrednih).

Zaključno sa 2018. godini servis za pregled i servisiranje vatrogasnih aparata koji radi u sklopu PVJ Gračanica pregledao je i servisirao 2141 aparat za početno gašenje požara tipa „S“ i 91 CO<sub>2</sub> aparata.

Takođe, vršen je i prevoz vode i to: za kolektivni centar Drafnići u Gračanici 46 cisterni, za proštopavanje kanalizacije u naselju Drafnići 3 cisterne, po odobrenju Općinskog načelnika 6 cisterni je prevezeno za stanovništvo MZ Rašljeva, a u komercijalne svrhe 22 cisterne, što je ukupno 77 prevezenih cisterni vode.

Ostvareni prihod od usluga u 2018. godini iznosi 15.314,47 KM bez PDV-a.

U toku godine PVJ Gračanica je vršila i protivpožarno osiguranje kod obilježavanja značajnih datuma i događaja kojima je organizator i pokrovitelj bila Općina Gračanica (Nova godina, Dan Općine, obilježavanje godišnjice bitke na Visu, nogometnih utakmica na gradskom stadionu, Sajam “Grapos Expo” i dr.), a vršila je i protivpožarne intervencije na području opštine Petrovo.

U Odjeljenju za PPZ i vatrogastvo-PVJ Gračanica svakodnevno su se provodile aktivnosti na obučavanju i uvježbavanju pripadnika iz oblasti PPZ (teoretska obuka i obuka na tehnicu).

Dana 29.01.2018. godine komisija imenovana od strane Općinskog načelnika izvršila je testiranje i provjeru osposobljenosti 12 profesionalnih vatrogasaca koji su svojim znanjem i psihofizičkim sposobnostima zadovoljili na testiranju i provjerama.

Obavljen je i redovan ljekarski pregled uposlenika PVJ Gračanica, koji su na pregledu zadovoljili.

#### Stanje opreme i sredstava PVJ Gračanica

Oprema i sredstva sa kojima raspolaže jedinica iz godine u godinu zastarijeva, tako da njihova funkcionalnost i upotreba umanjuje spremnost i operativne aktivnosti PVJ Gračanica. da bi poboljšali zaštitu od požara na području općine Gračanica, a time prevazišli stanje i dotrajalosti postojeće vatrogasne cisterne FAP 13/14, potrebno je pod hitno iznaći sredstva za nabavku Auto cisterne sa spremnikom vode većeg kapaciteta ( od 10.000-12.000 l vode), spremnikom za pjenilo 500 l, visoko tlačnom pumpom i ostalim pratećim komponentama, koja bi se upotrebljavala za gašenje požara, odnosno kao prateće vozilo prilikom intervencija, a u sušnom periodu bi se mogla koristiti i za snabdijevanje stanovništva vodom za piće.

Zajedno sa Policijskom upravom Gračanica, Služba za civilnu zaštitu je preko sredstava informisanja upućivala upozorenja građanima za preduzimanje svih preventivnih mjera prilikom izvođenja radova na spaljivanju korova i otpada u neposrednoj blizini šuma, stambenih i poslovnih objekata, na izletištimu i slično.

#### **Prva medicinska pomoć**

Prva medicinska pomoć kao mjera zaštite i spašavanja vršena je u saradnji sa zdravstvenim ustanovama, Crvenim križem i drugim ustanovama koje se direktno ili indirektno bave ovom djelatnošću, a sastoji se u praćenju higijensko-epidemiološke situacije, prikupljanju rezervi krvi, edukaciji i zdravstvenim prosvjećivanju građana, kao i na druge načine.

Akcije darivanja krvi se planiraju na teritorijalnom principu i to: u mjesnim zajednicama, preduzećima, školama i ustanovama, sa ciljem uključenja što većeg broja zaposlenih, učenika završnih razreda srednjih škola i stanovništva u mjesnim zajednicama. Tako je u 2018. godini, prema planu Poliklinike za transfuziologiju održano 7 redovnih akcija (MSS-1, Gimnazija-1, MP Fortuna-2, BKC Gračanica-2 i 1 akcija u preduzeću "Plamingo" d.o.o. i vanredna akcija u MZ Rašljeva)). Akcijama darivanja krvi odazvalo se 327 darivalaca, a krv je dalo njih 229, dok su 98 odbijena zbog različitih zdravstvenih problema.

Po pozivu Opće bolnice Gračanica u 2018. godini, u Službi transfuzije krv je dalo 1334( 450 dobrovoljnih i 884 ciljani) davaoca, a odbijeno je 137 davalaca. Podatke o broju samostalnih i ciljanih dobrovoljnih davalaca u JZU UKC Tuzla za 2018. godinu Služba za CZ nije dobila. Ukupno je u 2018. godini krv dalo 1550 darivalaca, što od planiranih 1581 darivaoca za općinu Gračanica iznosi 98,03 %

Svi navedeni pokazatelji dati su i tabelarno:

Općina Gračanica	MSS i Gimnazija	Preduzeća i MZ-e	SDK	CDK JZU UKC Tuzla	CDK Opća bolnica Gračanica	Ukupno realizovano	Planirano	%
<b>Broj davalaca</b>	93	136			1334	1563	1581	98,86

SDK - samoinicijativni darivaoci krvi

CDK - ciljani darivaoci krvi (porodični)

Putem Higijensko epidemiološke službe-HES Doma zdravlja Gračanica praćeno je kretanje zaraznih bolesti koje je registrovala ova služba u 2018. godini. Prema njihovim izvještajima, zaključno sa decembrom mjesecom zabilježene su 293 pojave različitih zaraznih i parazitskih oboljenja, ali nije bilo potrebe za proglašavanjem stanja epidemije neke bolesti. Najčešće registrovane bolesti su:

- TBC activa ..... 16,
- Enterocolitis acuta ..... 124,
- Mononucleosis ..... 1,
- Scarlatina ..... 10,
- Varicella ..... 80,
- Brucellosis ..... 9,
- Angina streptococcica ..... 9,
- Scabies ..... 17,
- Sepsis ..... 2,
- Herpes zoster ..... 13,
- Hepatitis virosa B ..... 2,
- Lyme boreleosis ..... 2,
- Parotitis epidemica ..... 2,
- Erysipelas ..... 1
- Salmonellosis ..... 2 i
- Q groznica ..... 3.

Gore navedena statistika je pokazatelj da su sve ustanove i preduzeća koja brinu o zdravlju ljudi preduzimale sve preventivne mjere, kako bi se sprijećile pojave zaraznih bolesti u epidemijskom obliku.

Doprinos tome dali su JZU Dom zdravlja, Opšta bolnica “ Dr. Mustafa Beganović”, JP veterinarska stanica, JP Vodovod i kanalizacija, JP Komus, Općinska organizacija crvenog križa, Radio Gračanica i televizija TK putem svog programa i drugi.

### **Zaštita životinja i namirnica životinjskog porijekla**

U toku 2018. godine na području općine Gračanica nije bilo obolijevanja životinja u takvom broju da su morale biti angažovane dodatne snage i sredstva. Sve pojedinačne probleme rješavala je Veterinarska stanica Gračanica sa svojim uposlenicima.

Najvažnija aktivnost JP Veterinarska stanica Gračanica na zaštiti životinja u 2018. godini bilo je plansko preventivno vakcinisanje životinja na Antrax i druge zarazne bolesti. Protiv Antarax-a, vakcinisano 2735 ovaca i 1652 komada krupne stoke.

Izvršena je dijagnostika na TBC kod 1285 goveda, kao i dijagnostika i ispitivanje na Brucelozu kod 916 muznih grla, koja su i vakcinisana na Brucelozu i Leukozu. Izvršena je planska vakcinacija protiv bjesnila 320 pasa i mačaka, dok je po zahtjevu građana taj broj bio mnogo veći..

U toku godine izvršeno je neškodljivo uklanjanje dvije krave koje su bile pozitivne na Brucelozu, jedna u Gračanici-Drafnići, a jedna u MZ Malešići. Zbog obolijevanja nekoliko osoba iz MZ Gornja Orahovica od Bruceloze, vršeno je ispitivanje životinja u njihovom valsništvu i okolini, ali su svi nalazi bili negativni, a liječenje oboljelih vršeno je na UKC Tuzla.

### **Zaštita životne okoline**

Zaštita životne okoline je mjera koju na nivou općine u svojim redovnim djelatnostima provode: JP "Komus" na nivou grada, općinski komunalni inspektori, komunalni redari, pravna lica, udruženja građana, kao i sami građani.

Služba za civilnu zaštitu kroz mjeru “zaštita okoliša” prati stanje u ovoj oblasti, i zajedno sa drugim institucijama preduzima mjere i aktivnosti za očuvanje životne sredine: vazduha, vode i tla.

Zbog blizine hemijske industrije Lukavca i Tuzle, svaka havarija na ovim postrojenjima direktno putem vode rijeke Spreče ili prenesena zrakom utiče na stanje životne sredine i na području naše općine. U 2018. godini desile su se dvije velike havarije, koje detaljnije iznosimo u nastavku.

U 2018. godini desila su se dva velika ekološka akcidenta u pogonima hemijskih fabrika u Lukavcu, što je alarmiralo cijelu javnost i institucije TK i zatraženo hitno otklanjanje uzroka zagađivanja.

Dana 27.04.2018. godine u popodnevnom satima došlo je do ekološke havarije-urušavanje taložnika zv. “Bijelo more” u Lukavcu, čiji talog se izlio na okolno zemljište, a u popodnevnom i večernjim satima i u vodotok rijeke Spreče. O naprijed navednom obaviješteni su Općinski načelnik, Policijska uprava Gračanica i Ribolovno društvo “Drijenča” iz Gračanice.

U večernjim satima istog dana, od strane Službe za civilnu zaštitu i Općinskog načelnika urađeno je upozorenje o zagađenosti vode u rijeci Spreči, koje je emitovano u 21,00 sati u programu Radio Gračanice i putem Web stranice Radio Gračanice.

Kolegij Općinskog načelnika i Kolegij Općinskog vijeća Gračanica su sačinili saopštenje za javnost, vezano za ekološku katastrofu, koje je objavljeno putem Web stranica Općine Gračanica i BKC-a Gračanica, a dostavljeno je i Kantonalnoj upravi civilne zaštite.



Dana 03.08.2018. godine došlo je do isticanja amonijačne vode iz fabrike GIKIL u Lukavcu u rijeku Spreču. Po dobijanju informacije obaviješten je Općinski načelnik, PU Gračanica, ESRD "Drijenča" i građani putem programa Radio Gračanice, kao i Kantonalna uprava civilne zaštite i Kantonalni operativni centar civilne zaštite.

Zbog nastale situacije u nedjelju 05.08.2018. godine u Lukavcu je održan sastanak na kojem su prisustvovali načelnici oćina Lukavac, Gračanica, Petrovo i Doboj, direktor Kantonalne uprave civilne zaštite, komandant KŠCZ, ministri u Vladi TK i prof.dr. Abdel Đozić, koji je angažovan od strane Tužilaštva TK.

Svi učesnici sastanka su bezrezervno osudili ovaj ćin i tražili veći angažman nadležnih federalnih institucija koje su odgovorne za postupanje u slučajevima akcidenata na vodama i obalnom zemljištu. Usvojeno je i nekoliko zaključaka kojim se od svih nivoa vlasti i fabrike GIKIL traži da se preduzmu mjere kako bi se u narednom periodu sprijećile neželjene posljedice.

### Obuka i osposobljavanje

Obuka i osposobljavanje je važan segment spremnosti u odgovoru na prirodne nesreće, kako pripadnika organizovanih snaga civilne zaštite tako i stanovništva.

Određeni vid obuke i osposobljavanja uposlenika Službe za civilnu zaštitu vršen je kroz ućešće na stručnim radionicama, seminarima, okruglim stolovima, ili ućešćem u radu raznih komisija i drugih tijela na izradi razlićitih dokumenata, izvještaja, informacija, i sl.

Edukacije i seminari su organizovani na nivou općine, kantona i Federacije, a bilo ih je organizovanih i na državnom nivou. Tematika svih je bila u većoj ili manjoj mjeri povezana sa upravljanjem rizicima od katastrofa, kao i organizacijom i provođenjem preventivnih i drugih mjera kako bi se ublažili udari katastrofa, odnosno ojaćala otpornost zajednice na te nesreće.

Obuke stanovništva po pitanjima zaštite i spašavanja nije bilo, osim upućivanjem poruka i upustava putem programa Radio Gračanice..

### Vježbe i takmićenja

Poseban vid edukacije i provjere određenih rješenja i procedura u akcijama zaštite i spašavanja vrši se kroz vježbe struktura civilne zaštite ili takmićenja sa tematikom iz oblasti zaštite i spašavanja.

U toku 2018. godine nije bilo vježbi organizovanih struktura civilne zaštite, a uposlenici Službe za civilnu zaštitu učestvovali su u organizovanju i provođenju slijedećih takmićenja, ćija tematika ima karakter zaštite i spašavanja od prirodnih i drugih nesreća:

Dana 13.04.2018. godine u Graćanici je držano takmićenje ućenika osnovnih škola u pružanju prve medicinske pomoći. Na takmićenju je učestvovalo 10 ekipa, a pobjednik takmićenja bila je ekipa OŠ "Hasan Kikić" Graćanica.

Dana 17.11.2017. godine održano je općinsko takmićenje ućenika osnovnih škola iz programa Svjesnost o postojanju mina-"Misli mine", koje je održano u OŠ "Stjepan Polje" u Stjepan Polju. U takmićenju je ućešće uzelo 11 ekipa osnovnih škola (3 ućenika i mentor), a pobjednik je bila škola OŠ "Hasan Kikić".

### **Rad Operativnog centra civilne zaštite Općine Graćanica i praćenje klimatoloških prilika na području općine**

Operativni centar civilne zaštite u svom radu prikuplja i obrađuju podatke o svim oblicima opasnosti, vrši uzbuñjivanje i upozoravanje građana, prenosi naređenja nadležnog štaba civilne zaštite, oglašava prestanak opasnosti, te prima, priprema i šalje izvještaje o poduzetim mjerama zaštite i spašavanj

Tokom 2018. godine Operativni centar civilne zaštite je izvršio 12 provjera ispravnosti sistema za javno uzbuđivanje na području općine Gračanica (svakog 01. u mjesecu u 12,00 sati) i uradio izvještaje o njegovom stanju za Kantonalnu upravu civilne zaštite. Vršeno je kontinuirano praćenje klimatskih prilika na području općine Gračanica (mjerenje temperature zraka, radnim danima u 07,30 i 14,00 sati, visine sniježnog pokrivača, vodostaja rijeke Spreče i sl.), a podaci o tome dostavljani su šefu Službe za civilnu zaštitu, Radio Gračanici i Kantonalnom operativnom centru civilne zaštite. Održavana je redovna komunikacija sa subjektima uvezanim u sistem osmatranja (PU i PS Gračanica, PVJ, Radio Gračanica, Elektrodistribucija, preduzeće za prevoz putnika "Avis", JP "Komus", JP "Vodovod i kanalizacija", mjesne zajednice, Kantonalni Operativni centar civilne zaštite) vezano za praćenje situacije u različitim prirodnim nesrećama kao i ostalim događajima od značaja za područje općine Gračanica.

U izvještajnom periodu vršeno je i ažuriranje planskih dokumenata Operativnog centra civilne zaštite, rađeni su redovni sedmični i mjesečni izvještaji, ostvarivana je redovna komunikacija sa građanima posredstvom telefona broj 121, održavana su i servisirana MTS i vođene i druge aktivnosti iz domena rada Centra.

Neke klimatološke karakteristike u 2018. godini date su u donjoj tabeli.

Mjesec/godina 2018.	Prosječna temperatura	Vodostaj r. Spreče-najviši (cm)	Vodostaj HA Modrac-najviši (m.n.m)	Visina sniježnog pokrivača max. (cm)	Poplavljeno obradivog zemljišta (ha)	Provjera sistema za javno uzbuđivanje
Januar	5,7	275	199,45	5		+
Februar	2,6	256	199,19	35		+
Mart	6,6	380	199,74	30	150	+
April	16,8	328	199,55		50	+
Maj	20,5	329	199,43		50	+
Juni	22,3	172	199,78			+
Juli	23,2	300	199,86			+
Avgust	23,5	81	199,78			+
Septembar	22,5	91	198,78			+
Oktobar	13,9	72	198,34			+
Novembar	8,3	54	197,50	10		+
Decembar	2,6	127	196,45	60		+
Prosjek u 2018.	<b>14,1</b>		198,21			
<b>Ukupno u 2018.</b>						<b>12</b>

#### 4. Zaključci i preporuke

Sistem zaštite i spašavanja ljudi materijalnih dobara od prirodnih i drugih nesreća koji se razvija na području BiH je organizacija koja uključuje sve strukture društva, državnu organizaciju i privredna društva, a osnova mu je preventivno djelovanje, od pojedinca do države. Stoga se, na lokalnom nivou i u narednom periodu moraju uložiti napor i sredstava, kako bi se uticalo na promjenu svijesti ljudi u smjeru preduzimanja mjera u okviru lične i uzajamne zaštite, edukaciji o značaju preventivnih mjera, ali i ulaganju one systemske mjere koje će doprinijeti otpornosti cjelokupne zajednice na dejstva prirodnih i drugih nesreća (striktna primjena propisa o građenju, zabrana gradnje u obalnom pojasu vodotoka, na nestabilnim terenima, kontrola odlaganja i deponovanja otpada i dr.).

Služba za civilnu zaštitu je, u okviru svojih nadležnosti i zakonskih propisa djelovala u cilju postizanja

Uzimajući u obzir programske zadatke, broj uposlenih i materijalno-tehničku opremljenost mišljenja smo da je Služba uspješno odgovorila na sve izazove u zaštiti i spašavanju koji su se u 2018. godini postavili pred nju. S obzirom na resurse sa kojima je raspolagano, taj rezultat ima svoje pokriće u, prije svega profesionalnim odnosom i zalaganju uposlenika Službe, kao i dobro postavljenim osnovama sistema zaštite i spašavanja na području općine, koji je po našoj ocjeni dobro funkcionisao. Ovaj sistem ima potrebu za nadogradnjom shodno najnovijim iskustvima u organizovanju i provođenju zaštite i spašavanja, kako na području općine Gračanica tako i šire.

Rezultat ovakvog rada Službe je i dobra saradnja sa ustanovama, organima i organizacijama koje su dio sistema zaštite i spašavanja. Ostvareni rezultati su i plod dobrog rada Općinskog štaba civilne zaštite i svih segmenata sistema zaštite i spašavanja, naročito javnih preduzeća na području općine.

Pored iznijetog u pogledu realizacije programskih zadataka u ovoj godini, Službi za CZ u narednoj godini predstoje značajni poslovi na jačanju i stvaranju veće funkcionalnosti sistema zaštite i spašavanja, posebno se ističe potreba ostvarivanja još bolje saradnje i uvezivanja preduzeća, mjesnih zajednica i drugih pravnih lica u taj sistem, u cilju efikasnijeg rješavanja značajnih pitanja u oblasti zaštite i spašavanja ljudi, materijalnih i kulturnih dobara od prirodnih i drugih nesreća. U sklopu te aktivnosti već su ažurirani planski dokumenti, dalje potrebno je provesti obuku štabova, jedinica, povjerenika i službi zaštite i spašavanja po programu obuke koji propisuje Federalna uprava civilne zaštite, kako bi svi zajedno bili što spremniji za preduzimanje potrebnih mjera u vrijeme prije, u toku i poslije nastanka neke prirodne ili druge nesreće.

Kada se radi o materijalno-tehničkom opremanju organizovanih struktura civilne zaštite na području općine, potrebno je promovisati ovaj segment organizacije civilne zaštite, te nabavkom neophodnih sredstava i opreme cjelokupan sistem podići na nivo koji bi trebao da ima u društvu.

U sklopu povećanja opšte spremnosti, potrebno je povećati broj izvršilaca u PVJ Gračanica, jer se sa sadašnjim brojem izvršilaca ne može postići potrebna efikasnost, zbog njihovog čestog angažovanja, kako redovnog tako i za održavanja pripravnosti.

Pored ovih zadataka u narednom periodu neophodno je podržati program deminiranja, tehničkog izviđanja i trajnog obilježavanja koje je predložila Služba za civilnu zaštitu (Općinski plan deminiranja), nastavak operacije "Žetva" koja ima za cilj prikupljanje NUS-a i MES-a od građana i stvaranje sigurnije i bezbjednije sredine u kojoj živimo.

Pored toga potrebno je voditi stalne aktivnosti u cilju aktivnog uključivanja u sistem zaštite i spašavanja na području općine osim struktura civilne zaštite, i ostalih općinskih službi, javnih službi, javnih preduzeća, privrednih društva, kao i drugih pravnih subjekata čija je djelatnost od značaja za zaštitu i spašavanje, kako bi se ostvarila koncepcija Zakona, koja predviđa cjelovit i sveobuhvatni pristup poslovima zaštite i spašavanja, odnosno aktivno učešće u ovim poslovima svih navedenih subjekata. Posebnu pažnju bi trebalo posvetiti razvijanju volonterskog učešća građana u zaštiti i spašavanju što je temelj ove organizacije u zamljama Evropske zajednice.

## **VI KABINET OPĆINSKOG NAČELNIKA I STRUČNA SLUŽBA OPĆINSKOG VIJEĆA**

U okviru kabineta Općinskog načelnika obavljaju se poslovi koji su neposredno vezani za izvršavanje ovlaštenih odgovornosti i dužnosti Općinskog načelnika i poslovi koji se po svojoj prirodi ne izvršavaju putem općinskih službi za upravu i drugih službi iz osnovne djelatnosti državne službe i pomoćno-tehničkih poslova,

U ostvarivanju ciljeva iz 2018. godine Stručna služba je imala za osnov Program rada Općinskog vijeća za 2018. i program rada Općinskog načelnika za istu godinu.

Za Općinsko vijeće je stručna služba je izvršavala poslove pripreme i stručne i tehničke pomoći za održavanje 11 redovnih sjednica Općinskog vijeća.

Stručna Služba je izvršila pripreme i stručno – tehničku pomoć za održavanje 47 komisija Općinskog vijeća.

U toku 2018. godine Stručna služba je vršila pripreme nacрта i prijedloga akata iz nadležnosti OV, a najznačajnije su Odluka o izmjenama i dopunama Statuta Općine Gračanica i Odluka o izmjenama i dopunama Poslovnika Općinskog vijeća.

### **PREGLED VAŽNIJIH DOGAĐAJA**

#### **Januar**

-Završeno asfaltiranje puta u dužini od 450 metara u Stjepan Polju, naselje Džebe

- Općinski načelnik posjetio gradilište mosta u MZ Lukavica za čiju izgradnju je izdvojeno oko 50.000 KM

-Upriličena primopredaja dva projekta koja su uspješno realizovana u mjesnim zajednicama Pribava i Piskavica. Riječ je o aktivnostima koje su implementirane u sklopu projekta „Jačanje uloge MZ u BiH“, projekat provodi UNDP a finansiran je od strane Vlada Švicarske i Švedske. U mjesnoj zajednici Pribava, na forumima građana kao prioritetni projekat izglasana je izgradnja trotoara dok su se mještani Piskavice odlučili na asfaltiranje puta.

- Na inicijativu udruženja žena Općine Gračanica, a uz podršku Općine Gračanica i općinskog načelnika Nusreta Helića, u Sportskoj dvorani Luke održano „Prvo novogodišnje druženje žena“. Ovom druženju prisustvovalo je preko 900 žena iz svih mjesnih zajednica.

-U kabinetu Općinskog načelnika su dodijeljene zahvalnice za javne ustanove, udruženja i organizacije koje su učestvovala u organizaciji i realizaciji Zimskog bazara održanog u centru grada, 22. decembra 2017. godine.

- Uz predivne izvedbe klizačica iz beogradskog klizačkog kluba „Olimpik“, 19. januara je svečano zatvorena sezona klizanja u Gračanici

- U Bosanskom kulturnom centru Gračanica danas je održan Okrugli sto na temu „Reforma Javne Uprave – Analiza stanja u primjeni principa odgovornosti i pružanja usluga u Jedinicama Lokalne Uprave“. Kada je riječ o primjeni prava na pristup informacijama Općina Gračanica je visoko kotirana kao i kada su u pitanju transparentnost u radu i brzina rješavanja procedura. Uposlenici Općine Gračanica, Sejdi Jukan na osnovu mišljenja anketiranih građana sa područja općine dodijeljeno je posebno priznanje za profesionalan, savjestan i predan rad u Javnoj Upravi.

#### **Februar**

-izvršena primopredaja radova u mjesnoj zajednici Gornja Orahovica, a radi se o projektu zamjene obične rasvjete u led rasvjetu.

Vrijednost projekta je 22.100 KM od čega je 30% finansirala Općina Gračanica, a učešće su uzeli i mještani mjesne zajednice.

Projekat je implementiran u okviru UNDP projekta „Jačanje uloge MZ u BiH“ a prilikom realizacije zamjenjeno je ukupno 67 svjetiljki.

- Ambasadori EU I Švedske posjetili Gračanicu. Posjeta delegacije je započela prijemom u Kabinetu Općinskog načelnika gdje je načelnik Helić predstavio općinu Gračanica, projekte koji su realizovani uz podršku EU, ali i sfere u kojima treba djelovati u narednom periodu. Nakon prijema delegacija je prisustvovala konferenciji održanoj u tržnom centru Etna kojem su pored ambasadora, načelnika Općine te domaćih, regionalnih i međunarodnih stručnjaka koji su angažovani na projektu prisustvovali i privrednici, predstavnici nevladinog sektora i građani.

- Općina Gračanica uključena u projektat „Dobre vodne komšije II“. Projekat ima za cilj da kroz zajednički rad na zaštiti i poboljšanju kvaliteta vode rijeke Spreče uspostavi bolju saradnju između učenika, roditelja, nastavnika, menadžmenta 8 škola i predstavnika 6 općina koje se nalaze u slivu rijeke Spreče.

- u Kabinetu općinskog načelnika upriličen prijem za novinare sa kojima su načelnik Helić i Predsjedavajući Općinskog vijeća, Nihad Krajinović razgovarali o dosadašnjoj saradnji i njenom unapređenju. Takođe, upriličen je i prvi ovogodišnji prijem za predsjedavajuće vijeća svih mjesnih zajednica sa kojima su se dotakli niz tema, problema sa kojima se mjesne zajednice susreću ali i načina poboljšanja rada vijeća mjesnih zajednica i veće uključenosti građana u donošenje odluka i određivanje prioriteta.

- Delegacija osnovne škole „Donja Orahovica“ na čelu sa direktorom Asmirom Fazlićem te vijećnikom u Općinskom vijeću Gračanica, Vahidom Bajrićem posjetila je Općinskog načelnika Nusreta Helića. Na sastanku koji je održan u Kabinetu općinskog načelnika razgovarali su o problemima sa kojima se ova škola susreće, posebno područna škola u naselju Rijeka. To se prije svega odnosi na sportsku salu, sportski poligon i sam objekat škole.

-Pripreme za sajam Grapos-expo: u multimedijalnoj sali Općine Gračanica održana press konferencija za medije na kojoj je bilo govora o rezultatima na dosadašnjim sajmovima, novoj lokaciji sajma ali i planovima i najavama za Grapos expo 2018.

- Načelnik Općine Gračanica Nusret Helić i predsjednik Uprave ASA Banke Samir Mustafić, svečanim presijecanjem vrpce ozvaničili su početak rada prve podružnice ASA Banke u Gračanici.

Prva podružnica ASA Banke u Gračanici otvorena je na adresi Branilaca grada bb, čime je ova domaća banka, nakon otvorenja podružnice u Tuzli, nastavila sa širenjem poslovne mreže na sjeveroistočni dio Bosne i Hercegovine.

- Objavljeni rezultati mjerenja zadovoljstva građama javnim uslugama i radom Općinskog vijeća u 2017. Godini. Građani su kvalitetom usluge u JLS zadovoljniji za 8% u odnosu na prošlu godinu, dok su brzinom usluge zadovoljniji za 12%, odnosno 90% ispitanika je odgovorilo pozitivno. I rezultati koji se odnose na rad ambulanti, vodosnabdjevanje su takođe porasli u odnosu na prošlu godinu.

- U Multimedijalnoj sali općine Gračanica održan je prvi monitoring i evaluacija rada Sekcije učeničkog poduzetništva OŠ “Hasan Kikić” Gračanica. U prisustvu potpisnika Memoranduma o razumijevanju kojeg su potpisali OŠ “Hasan Kikić” Gračanica, općina Gračanica, Vijeće roditelja škole, Udruženje poslodavaca Gračanica (UP), Ministarstvo obrazovanja TK i

Pedagoški zavod Tuzla , učenici i mentori ove sekcije su predstavili dosadašnji rad koji se odvijao u školi te u osam gračaničkih firmi.

## **Mart**

- Svečanom sjednicom Općinskog štaba civilne zaštite obilježen je 1. mart, Međunarodni dan civilne zaštite. Prigodnim referatom i retrospektivom aktivnosti u 2017. godini Komandant Općinskog štaba, Nusret Helić je započeo ovu sjednicu.

- Program obilježavanja 1. marta, Dana nezavisnosti BiH u Gračanici je započeo u srijedu, 28. februara polaganjem cvijeća na Centralnom spomen obilježju 1992.-1995. te Partizanskom spomeniku i spomen bisti Josipa Broza Tita. Brojne delegacije nakon što su položile cvijeće i odale počast poginulim borcima uputile su se u Muzičku školu gdje je održana svečana akademija sa kulturno-umjetničkim programom.

- Potpisani Ugovori o stipendiranju sa učenicima i studentima. Nakon provedene konkursne procedure i obrađenih zahtjeva, uslove za stipendiju ispunilo je 102 učenika i studenta.

- potpisan Ugovor o pružanju komunalnih vodnih usluga sa predstavnicima Vodovoda i kanalizacije. Ovim Ugovorom su definisane obaveze potpisnika Ugovora, Općine Gračanica i Vodovoda i kanalizacije.

- U sportskoj dvorani Luke, za najmlađe je priređena zanimljiva manifestacija. U okviru sportskog takmičenja „Lino višebojac“ koje promovise takmičarski duh i učeničko stvaralaštvo, od obuhvaćenih osam škola, kao jedan od domaćina odabrana je gračanička „Druga osnovna škola“. Od mališana vrtićkog uzrasta do tinejdžera, svi su ispunili sportsku dvoranu smijehom, navijanjem i transparentima.

- Službi za Civilnu zaštitu općine Gračanica prijavljeno je klizište, u noći sa 10. na 11. mart, na regionalnoj cesti Donja Orahovica – Srebrenik. Klizište se nalazi u naselju Mehinbašići, MZ Gornja Orahovica gdje je došlo do oštećenja regionalne ceste i ugrožavanja tri stambena i tri pomoćna objekta.

- održan sastanak Organizacionog odbora sajma „Grapos-expo“ Gračanica 2018. godine. Sastanku je pored imenovanog tima prisustvovao i ministar privrede TK, Osman Puškar, sa svojom pomoćnicom.

- u Gračanici nizom događaja obilježen 20. mart – Dan šehida i poginulih boraca općine Gračanica. Ceremonija obilježavanja Dana šehida i poginulih boraca započela je na Centralnom spomen obilježju Odbrambeno-oslobodilačkog rata 1992.-1995.

- Načelnik posjetio Udruženje žena „Behar“ iz Škahovice. Na sastanku kome je osim članica Udruženja prisustvovao i predsjedavajući VMZ Vahidin Smajlović razgovaralo se o rezultatima koje je ovo udruženje postiglo u periodu od tri godine koliko postoji, ali i projektima za naredni period.

- U multimedijalnoj sali Općine je upriličeno potpisivanje Sporazuma o zajedničkom ulaganju a u okviru projekta „Inovacije u lancu vrijednosti suhe šljive“. Projekat „Inovacije u lancu vrijednosti suhe šljive“ ima za cilj uspostavu novih i sanaciju postojećih voćnjaka kako bi se poboljšala sirovinaska baza za proizvodnju suhe šljive (adekvatna svježa šljiva pogodna za sušenje i procese/tehnologiju sušenja), kao i poboljšanje kapaciteta proizvođača svježe šljive (uspostava novih i sanacija postojećih voćnjaka, te edukacija voćara).

- održan sastanak predstavnika Vijeća mladih MSS i ASUBiH sa Općinskim načelnikom Nusretom Helićem. Predsjednik Vijeća mladih je predstavio projekte koji su urađeni u proteklom periodu te je bilo govora i o održanim školskim takmičenjima i postignutim rezultatima. Ovaj sastanak učenici su iskoristili i kako bi predstavili novu predsjednicu lokalnog tima ASUBiH-a Gračanica, Enidu Halilović. Enida je takođe iznijela planove ASUBiH-a za naredni period te projekte koje će realizovati zajedno sa Vijećem mladih.

- U kabinetu Općinskog načelnika Nusreta Helića, 28.03.2018. godine, održan je sastanak u povodu realizacije projekta Prijateljsko takmičenje Specijalne olimpijade "Parallel". Sastanku su prisustvovali dr. sc. Kada Delić Selimović, bivša atletičarka i izvršna direktorica Specijalne olimpijade Bosne i Hercegovine, dr. Edina Čamdžić, članica Organizacionog odbora Projekta, Nermin Alibašić student Medicinskog fakulteta Univerziteta u Tuzli i predsjednik Organizacionog odbora Projekta te Muris Zahirović, student Medicinskog fakulteta Univerziteta u Tuzli i član Organizacionog odbora Projekta.

## **April**

- Članice Udruženja žena „Donja Orahovica“ ugostile načelnika općine, Nusreta Helića sa saradnicima, predsjedavajućeg vijeća MZ Elvedina Mahmutovića te vijećnika u Općinskom vijeću Vahida Bajrića. Ovom prilikom predsjednica udruženja, Nermina Alihodžić je predstavila dosadašnje aktivnosti udruženja kao i projekat koji je u toku, a riječ je o opremanju bosanske sobe.

- u Kabinetu Općinskog načelnika sa početkom u 11,00 sati održan je sastanak Općinskog načelnika, gospodina Nusreta Helića sa saradnicima Mustafa Bajići i Amer Džindo i Direktorom Direkcije regionalnih cesta gospodinom Aganom Delibajrićem sa saradnicima Amir Jahić i Nedžad Imamović na temu sanacije klizišta na Regionalnoj cesti R-461a Donja Orahovica- Srebrenik na dionici u Gornjoj Orahovici u neposrednoj blizini stambenog objekta Mehinbašić Hašima. Zaključeno je da će u I fazi Općina Gračanica riješiti imovinsko pravne odnose poslove, a da će Direkcija regionalnih cesta Tuzlanskog kantona hitno djelovati po uputama geologa na izradi propusta za odvođenje površinskih i oborinskih voda sa iskopom drenažnog kanala i odvođenje vode iz tijela klizišta. Na osnovu naprijed navedenog dogovora u četvrtak u prisustvu predstavnika Direkcije regionalnih cesta gospodina Amira Jahića, predstavnika Općine Gračanica Mustafe Bajića i stručnog lica iz oblasti geologije Amira Džinde Dana 05.04.2018. godine firma Roading Gračanica je započela radove na sanaciji klizišta, uspostavljanju propusta i iskopavanju kanala za odvođenje površinskih i oborinskih voda, kao i iscjedivanja vode iz tijela klizišta.

-Održana druga sjednica Lokalno-ekonomskog vijeća. Na sjednici je razgovarano o poticajima gračaničkoj privredi a koje Općina Gračanica razvija u saradnji sa projektom Okolišnog i ekonomskog upravljanja MEG, te o problemu snabdjevanja električnom energijom poslovnih subjekata na području Općine Gračanica.

- Dan oslobođenja Gračanice u Drugom svjetskom ratu obilježen je u subotu (07.04) nizom svećanih aktivnosti. Obilježavanje 7. aprila počelo je polaganjem cvijeća na Spomen-kosturnicu borcima NOR-a i Spomen-bistu Josipa Broza Tita u gradskom parku te Centralno spomen-obilježje poginulim borcima/šehidima i civilnim žrtvama odbrambeno-oslobodilačkog rata 1992.-1995. u parku ispred Općine, odata je počast svima onima koji su svoje živote ugradili u odbranu i očuvanje Bosne i Hercegovine. Nakon polaganja cvijeća, u Sali Muzičke škole u Gračanici održana je Svećana akademija na kojoj je Općinski načelnik Nusret Helić pročitao svećani referat

-Delegacija Vlade Tuzlanskog kantona, predvođena premijerom Jakubom Suljkanovićem boravila je danas u radnoj posjeti u Gračanici. Ovom prilikom premijer i ministri su se susreli sa načelnikom Općine Nusretom Helićem, u okviru priprema za predstojeći sajam „GraPOS Expo“ posjetili novu lokaciju sajmišta, te posjetili privredna društva „RPC Superfos“ i „Plamingo“.

Na sastanku sa načelnikom Općine Nusretom Helićem razgovarano je o kapitalnim projektima i potrebama Gračanice, koje bi se mogle sufinansirati iz Kantonalnog budžeta. Načelnik Helić je iskoristio priliku da i novi saziv Vlade upozna sa gorućim problemima ove Općine. Broj jedan problem koji već duži period čeka na svoje rješenje jeste opremanje sportske sale za učenike srednjih škola. Pored toga, bilo je razgovora i o rješavanju pitanja kružnog toka, koji bi po riječima premijera Suljkanovića mogao biti riješen iz sredstava planiranog kreditnog zaduženja.

-u akciji Službe CZ Gračanica, PU Gračanica, Federalne uprave CZ, Gorske službe spašavanja i općinske organizacije Crvenog križa pronađeno beživotno tijelo ženske osobe. Federalna uprava Civilne zaštite je izvukla tijelo i pristupit će se identifikaciji i obdukciji.

-u sklopu GIZ EU ProLocal programa organizovano je studijsko putovanje u Istru, Republika Hrvatska, za predstavnice/ke jedinica lokalne samouprave, kantonalnih/županijskih vlada, prirednih komora, razvojnih agencija i pljoprivrednih zadruga iz Bosne i Hercegovine. U sklopu studijskog putovanja, predstavnice/i Odsjeka za lokalni razvoj Općine Gračanica imali su priliku posjetiti METRIS - Ustanova Centar za istraživanje materijala Istarske županije, AZRRI - Agencija za ruralni razvoj Istre/ Edukacijskog gastronomskog centra Istra, IDA d.o.o. - Istarska razvojna agencija, Centar za popularizaciju znanosti i inovacija Istarske županije, Gradsku upravu Labin te je putovanje završeno obilaskom poslovne zone u Labinu.

-Dana 24. Aprila otvoren deveti Međunarodni sajam poduzetništva i obrta ”GRAPOS – EXPO 2018”. Na ovogodišnjem sajmu, na 121 štandu, svoje proizvode i usluge prezentiraju 322 izlagača iz šest zemalja, a očekuje se posjeta više od 25 hiljada ljudi.

-održan sastanak sa korisnicima planirane pomoći u okviru projekta „Oporavak od poplava“. Sastanku su pored korisnika i koordinatora projekta prisustvovali i Općinski načelnik te predstavnici Hilfswerka. Projekat „Oporavak od poplava“ finansiran je od strane EU a provodi ga UNDP u BiH preko partnerskih organizacija Hilfswerka Austria i ASB-a a u saradnji sa Općinama.

Programom planirane pomoći, predviđena je pomoć socijalnim kategorijama stanovništva čiji su objekti oštećeni/uništeni u elementarnim nepogodama 2014. godine. Na projekat su aplicirale 54 osobe a prema preliminarnoj listi korisnika za 14 njih je predviđena dislokacija, odnosno gradnja novih dok je 6 sanacija.

## **Maj**

-U velikoj sali BKC-a je uz prigodan kulturno-umjetnički program otvoren treći sajam učeničkog poduzetništva JU OŠ „Hasan Kikić“. Ovom prilikom su učenici predstavili rad sekcije učeničkog poduzetništva te podijelili iskustva koja su stekli u gračaničkim firmama PLASTOFLEX, PLASTEX, TERASIT INSULATION, TRING, SUMAN, PLAMINGO, JUKAN, VETERINARSKA STANICA GRAČANICA I VET TIME GRAČANICA. Prisutnima se obratila predsjednica Vijeća roditelja, te direktor osnovne škole Miralem Mejremić a Sajam je proglasio otvorenim Općinski načelnik, Nusret Helić.



- U okviru projekta "Jačanje uloge mjesnih zajednica u BiH" uspješno su završeni radovi na Domovima kulture u mjesnim zajednicama Lukavica i Malešići. Izvršena je i primopredaja radova a riječ je o radovima na sanaciji krova u MZ Lukavica te postavljanju keramike u Domu MZ Malešići. Vrijednost projekta sanacije krova je 22.493 KM od čega je 70% finansirao UNDP, 30% Općina Gračanica a učešće je uzela i mjesna zajednica sa 1.048 KM. Projekat MZ Malešići je finansiran od strane UNDP-a sa 70 % i Općine sa 30%. Njegova vrijednost je 22.100 KM.

- održana vanredna sjednica općinskog štaba Civilne zaštite. Povod za održavanje ove sjednice je nevrijeme koje je zadesilo općinu Gračanica 4.,5. i 6. maja.Na samom početku sjednice načelnik općine je upoznao članove štaba da je donio Odluku o proglašenju neposredne opasnosti od poplava i klizišta, nakon čega je šef civilne zaštite općine Gračanica upoznao prisutne sa situacijom koja se dešavala prethodnih dana.U poplavama koje su najvećim dijelom zahvatile mjesne zajednice: Miričinu, Donju Orahovicu, Donju Lohinju i Gračanicu stradali su uglavnom putevi. U mjesnoj zajednici Miričina prijavljeno je i jedno klizište koje ugrožava putnu infrastrukturu. Štete su prijavljene i zabilježene i na privrednim objektima kao što su: Superfos, Seming, Pla-pen, Žepić te 20ak stambenih objekata. Službe civilne zaštite i vatrogasne jedinice su bile na raspolaganju svih ovih dana kako bi se spriječile veće štete.

- Okupljanjem delegacija, građana, učenika Gimnazije, Mješovite srednje škole Gračanica i dvije osnovne gradske škole na Centralnom spomen obilježju započeo je program obilježavanja 9.maja, Dana pobjede nad fašizmom i Dana Evrope. Na samom početku prisutnima se obratio Predsjedavajući općinskog vijeća, Nihad Krajiović koji je ukazao na značaj obilježavanja ovog datuma ali i na potrebu za jačanjem antifašizma.

- U organizaciji Općinskog načelnika, Udruženja civilnih žrtava rata općine Gračanica i boračkih udruženja, polaganjem cvijeća ispred Spomen-obilježja u Bijelim Poljima i učenjem Fatihe na mezar Adema Mustajbašića, prve civilne žrtve rata u Gračanici danas je obilježena 26. godišnjica stradanja civilnih žrtava rata općine Gračanica. U prisustvu porodica i rodbine civilnih žrtava rata, članova boračkih udruženja, općinskih predstavnika, građana i drugih, prisutnima su se obratili: predsjednik udruženja civilnih žrtava rata Sead Begović, općinski načelnik Nusret Helić i glavni imam Medžlisa IZ Gračanica Smajo ef. Mustafić.

- Općinski načelnik je juče u svom Kabinetu ugostio rukovodstvo i igrače Rukometnog kluba Gračanica povodom ulaska u Premijer rukometnu ligu BiH. Ovu priliku su iskoristili kako predsjednik kluba, tako i igrači da se zahvale načelniku na podršci tokom cijelog ovog perioda, te su mu uručili zahvalnicu i sportske rekvizite. Kao nagradu za uspjeh i za sretan ponovni ulazak u Premijer ligu načelnik je predsjedniku RK, Midhatu Mujačiću uručio 2.000 KM kao podršku klubu.

- Služba za civilnu zaštitu općine Gračanica je u srijedu (23.05.) po prijavi minskog incidenta na lokaciji Gornji Skipovac, zaseok Topalovići angažovala jedinice Federalne uprave civilne zaštite za NUS i deminiranje za organizovanje i prilaz nadležnih organa na mjesto minskog incidenta. Naime, u označenoj zoni službenim znacima nasumnjivoj površini od mina su stradale ovce vlasništvo Husić Elvedina i Husić Mehmeda iz Malešića.

- Povodom 25. maja, Dana odbrane općine Gračanica, načelnik Nusret Helić je danas upriličio prijem za zlatne ljiljane općine Gračanica te komandante brigada i operativnih grupa.Na prijemu su se prisjetili ratnih dešavanja, svojih saboraca ali i raznih anegdota koje su pratile te kobne ratne godine. Načelnik je za zlatne ljiljane uručio i novčane naknade od po 150 KM.

- nizom dešavanja obilježen Dan odbrane općine Gračanica. Svečano obilježavanje započelo je prijemom zlatnih ljiljana i komandanata općine Gračanica, a nastavljeno je polaganjem cvijeća na spomen-obilježju Odbrambeno-oslobodilačkog rata 1992.-1995. Nakon što su brojne delegacije položile cvijeće i odale počast poginulim borcima prisutni su se uputili ka Velikoj sali BKC-a gdje je održana svečana akademija.

- Dvije srednje gračaničke škole su svojim sugrađanima poklonile predivne kulturno-umjetničke programe u povodu Dana općine Gračanica. U okviru manifestacije „Dani Gračanice“ i ove škole su obilježile svoje dane. Gimnazija „Dr.Mustafa Kamarić“ je proslavila Dan škole 29.maja, dok je Mješovita srednja škola proslavu imala 30. maja. Obe škole su oduševile publiku svojim uspjesima i rezultatima u protekloj godini ali i kreativnošću i raznovrsnošću programa prikazanog u velikoj sali Bosanskog kulturnog centra. Mješovita srednja škola je program iskoristila i kako bi dodijelila nagrade za najuspješnije učenike te proglasila učenika generacije. Općinski načelnik je sinoć pozdravio prisutne te i djelima pokazao da je uvijek tu za gračaničku mladost i uspješne mlade ljude željne znanja i napretka. Ovom prilikom Načelnik je uručio Pohvale i novčane nagrade za sve učenike koji su tokom školovanja imali odličan uspjeh i dobro vladanje, te posebne pohvale i knjige za učenike generacija.

## **Juni**

-učenici Druge osnovne škole svome gradu, u povodu Dana općine poklonili maskenbal. Vještice, doktorice, indijanke, fudbaleri, teniseri, gusari, policajci, vatrogasci i brojne druge maske prošetale su se centrom grada do platoa MZ Gračanica gdje su okupljeni građani imali priliku da pogledaju plesne tačke, maštovite kostime te dobiju letke sa porukama koje su đaci sami osmišljavali. Ovom zanimljivom događaju prisustvovao je i načelnik Helić koji se sa zadovoljstvom fotografisao sa učenicima i čitao njihove kreativne poruke.

- U prepunoj sali Bosanskog kulturnog centra Gračanica održana je Svečana akademija povodom Dana općine Gračanica. Akademiji je prethodilo polaganje cvijeća na Centralnom spomen-obilježju Odbrambeno-oslobodilačkog rata 1992.-1995., Partizanskom spomeniku i spomen-bisti J.B. Tito. Svečanostima i obilježavanju Dana općine prisustvovala su i brojne visoke zvanice, između ostalih delegacija bratske opštine Pljevlja iz Crne Gore na čelu sa predsjednikom opštine Mirkom Đaćićem, ambasador Crne Gore Milan Lakić i ambasador Francuske Guillaume Rousson. Na svečanoj akademiji prigodnim referatom obratio se Općinski načelnik. U povodu Dana općine Gračanica, upriličeno je otvaranje firme SLT Enterprise. Kako tradicija nalaže, Danu općine, 2. junu prethodio je koncert i vatromet u centru grada. U petak naveče goste su zabavljali Armin Muzaferija i City band. Mnoga sportska takmičenja, posebno regionalno takmičenje u karateu sa preko 600 takmičara dali su svoj doprinos obilježavanju Dana općine.

- Općina Gračanica i SOS Dječija sela Bosne i Hercegovine potpisali partnerski ugovor o realizaciji Programa SOS Resursnog centra za djecu, mlade i porodice u skladu sa aktivnostima SOS Dječijih sela BiH i Strategijom razvoja općine Gračanica. Potpisivanjem ugovora nastavlja se uspješna saradnja lokalne zajednice i SOS Dječijih sela Bosne i Hercegovine, a definisani su i novi zajednički ciljevi u unaprjeđenju života djece, mladih i porodica u zajednici. Servisi koje će SOS Dječija sela BiH kroz SOS Resursni centar Gračanica u narednih 10 godina, koliko danas potpisani Ugovor podrazumijeva, pružati su: briga i podrška socijalno ugroženim porodicama sa djecom i mladima; briga o djeci i mladima u alternativnim oblicima brige; podrška formalnom i neformalnom obrazovanju djece, mladih i porodica; jačanje kapaciteta lokalne zajednice da pravovremeno i adekvatno odgovori na njihove potrebe; promotivne aktivnosti i zagovaranje za unaprjeđenje stanja prava djece i

mladih, te jačanje kapaciteta mladih osoba sa područja općine Gračanica u svrhu osamostaljivanja mladih.

-U Kabinetu Općinskog načelnika je upriličen prijem za članice Udruženja žena općine Gračanica, predstavnike srednjih škola, direktora BKC-a i predstavnike Sportskog saveza te dodijeljene zahvalnice za učešće u manifestacijama povodom Dana Gračanice. Prijem je iskorišten i kako bi se predstavili budući projekti i planovi za naredni period ali i da se rezimiraju provedene aktivnosti.

- Ceremonija pokretanja programa Start-up akademije je započela u petak (08.06.) u Etmi. Program se održava u okviru zajedničkog programa EU i Vlade R. Njemačke za lokalnu samoupravu i ekonomski razvoj EU Pro-local, a implementiraju ga Razvojna Agencija Žepče i Općina Gračanica u sklopu projekta „Povećanje razvojnih potencijala kroz uvođenje instrumenata koji potiču poduzetništvo, međuopćinsku saradnju i nova ulaganja“. Start-up akademija će polaznicima ponuditi znanje koje se ne inače ne može dobiti u formalnom obrazovanju.

- Riječima „Sretno 46. generacija Gimnazijalaca i zakoračite u život“ direktorica Gimnazije „Dr. Mustafa Kamarić“, Minka Kurtović se pozdravila sa ovogodišnjim maturantima. Prisutne maturante, roditelje i profesore je pozdravio i Općinski načelnik i zaželio mladima svako dobro u narednim godinama te da u što skorije vrijeme zauzmu značajne funkcije i pozicije kako u lokalnoj zajednici tako i širom Bosne i Hercegovine.

- Potpisani ugovori sa predstavnicima 29 nevladinih organizacija i 6 omladinskih udruženja za projekte aplicirane na javni poziv. Za nevladine organizacije i omladinske organizacije na javni poziv apliciralo je 38 udruženja sa 41 projektnom aplikacijom, a ukupna vrijednost dodijeljenih sredstava je oko 55.000 KM. Općinski načelnik, Nusret Helić je u svom obraćanju istakao da su sredstva za nevladine organizacije nešto veća od planiranih zbog velikog broja pristiglih projekata. Takođe je podržana većina aplikacija zbog želje da se da podrška mlađim udruženjima za budući rad.

## **Juli**

- upriličen prijem za učenike generacija osnovnih škola sa područja općine Gračanica. Prijemu su pored učenika prisustvovali i direktori, odnosno predstavnici škola. Načelnik je uputio čestitke za sve učenike ali i uposlenike te rekao da je ponosan na sve osnovce. Napomenuo je i svim učenicima da prate konkurse za stipendije obzirom da učenici generacija bez obzira na druge kriterije dobijaju podršku i stipendiju od Općine.

-U mjesnoj zajednici Lukavica uspješno je završen projekat izgradnje i uređenja Memorijalnog spomen-parka „NE ZABORAVI SREBRENICU“. Razlog za izgradnju ovog Spomen-parka predstavnici udruženja „Nova inicijativa“ su vidjeli u potrebi da prije svega jačaju kolektivnu svijest i ljubav prema domovini, odgajaju mlade u duhu srebreničkog genocida ali i njeguju pojedinačno i kolektivno sjećanje na genocid u Srebrenici.

-Odlukom općinske organizacije RVI Gračanica, 15. juli se obilježava kao Dan općinske organizacije ratnih vojnih invalida. Tim povodom su se juče na Centralnom spomen obilježju u Gračanici okupili predstavnici boračkih udruženja, općinski načelnik Nusret Helić, predsjedavajući OV Nihad Krajinović, gosti predstavnici organizacija RVI općina Lukavac i Doboj Istok, glavni imam Medžlisa islamske zajednice Gračanica Smajo ef. Mustafić i drugi. Ovom prilikom je Organizacija uručila zahvalnice pojedincima i kolektivima koji su pomagali rad organizacije. Zahvalnica je uručena i načelniku Heliću koji je kako su istakli uvijek bio uz

RVI i njihovu organizaciju. Brojne delegacije su položile cvijeće na Centralnom spomen obilježju a obilježavanje Dana RVI je nastavljeno u MZ Lukavica.

- uspješno su realizirana dva projekta asfaltiranja puteva. Radi se o asfaltiranju puta Javor-Bahići u dužini od oko 350 metara i sanaciji i asfaltiranju puta u MZ Lukavica, naselje Delići. U naselju Javor je osim asfalta urađena i oborinska kanalizacija a vrijednost ovog projekta je cc 80.000 KM. Za ovu dionicu je planiran i nastavak radova prema Babićima za što je već pokrenuta procedura. U MZ Lukavica asfaltirana dionica je takođe dužine od oko 350 metara. U ovoj mjesnoj zajednici i građani su uzeli svoje učešće u realizaciji projekta.

- Općina Gračanica u partnerstvu sa Razvojnomo agencijom Žepče pokrenula projekat međuopćinske saradnje pod nazivom „Povećanje razvojnih potencijala kroz uvođenje instrumenata koji potiču poduzetništvo, međuopćinsku suradnju i nova ulaganja”. U sklopu navedenog projekta realizirana je aktivnost STARTUP akademije koja je podrazumijevala desetodnevnu obuku za 15 polaznika, potencijalnih i postojećih poduzetnika iz Gračanice. U četvrtak 26.07.2018. u Gračanici u sklopu STARTUP akademije održan je i Demo dan na kojem su polaznici nakon desetodnevne obuke prezentovali svoje poslovne ideje pred stručnom komisijom i prisutnim predstavnicima nevladinog, vladinog i privatnog sektora te građanima Općine Gračanica. Na kraju Demo dana je stručna komisija odabrala i dvije najbolje poslovne ideje i to : „Akvaponija“ - Kerim Grbić i Kenan Mehić i „MIS tekstil“ - Sabina Đulić i Dino Hadžiavdzić.

- povodom okončanja projekta „Inicijativa za unaprijeđenje vodosnabdijevanja u seoskim područjima“ u Multimedijalnoj sali Općine, održan je sastanak sa predstavnicima mjesnih zajednica, s ciljem prezentacije rezultata samog projekta, kao i definisanja predstojećih aktivnosti na pomenutu temu. Sastanku su, osim predstavnika Općine, prisustvovali i predstavnici MDP Inicijative iz Doboja - organizacija koja u partnerstvu sa Aquasan iz Bihaća, implementira ovaj projekat, kao i predstavnik MZ Kotorsko, Općina Doboj - primjer dobre prakse funkcionisanja lokalnog vodovodnog sistema.

### **Avgust**

-Programu obilježavanja godišnjice bitke na Visu, koji se održavao ispred spomen-obilježja na kome su ispisana imena 61 poginulog borca prisustvovala su porodice poginulih boraca, Općinski načelnik Nusret Helić, predstavnici zakonodavne vlasti, ratni komandanti, predstavnici i članovi boračkih udruženja sa područja općine Gračanica, imami Medžlisa Islamske zajednice Gračanica, izviđački odredi „Vrba“ iz Doboj Istoka i „Lukavica“, te brojni građani općine Gračanica. Pored prigodnog referata načelnika općine, čas historije je održao profesor Bilal Begović koji je bio jedan od direktnih učesnika u odbrani Visa. Profesor Begović je podsjetio na događaje koji su doveli do toga da se oslobodi Vis te na herojstva svih onih koji su učestvovali u oslobađanju.

- U sklopu manifestacije „Dani odbrane Lukavice“, obilježen je Dan šehida mjesne zajednice. Ceremoniji polaganja cvijeća i odavanja počasti prisustvovao je i općinski načelnik Nusret Helić koji se obratio prisutnima.

-Općinski načelnik, Nusret Helić je posjetio MZ Piskavica u kojoj su uspješno završeni radovi asfaltiranja dvije dionice puta u dužini od 370 metara.

### **Septembar**

-U okviru programa obilježavanja Dana 111./221. gračaničke brigade otkriveno je spomen-obilježje šehidima i civilnim žrtvama rata u MZ Buk.Spomen-obilježje su otkrili predsjednik

MZ Hajrudin Hevešević, načelnik općine Nusret Helić i ministar za boračka pitanja TK Enes Gegić. Spomen obilježje je izgrađeno sredstvima građana, općine i Vlade TK.

-Nakon više od decenije započeli radovi na izgradnji kružnog toka kod Bolnice. Projekat implementira Direkcija regionalnih cesta TK, a riječ je o projektu koji se finansira iz kreditnih sredstava koja su odobrena od strane Skupštine TK. Direktor Direkcije za regionalne ceste TK Agan Delibajrić je rekao da ovo nije jedini projekat te da se u narednom periodu za dionicu puta Bukva-Srebrenik-Sladna planira izdvajanje i do 2 miliona KM . Delibajrić smatra da su ova dva projekta iznimno važna za privrednu sredinu kao što je Gračanica i za njeno povezivanje sa opštinama Srebrenik i Gradačac.

-Načelnik Helić je posjetio porodicu Halidović koja je doživjela velike materijalne štete. Naime, u krugu pilane Halidović u Pribavi izbio je požar. Izgorjele su dvije hale a pričinjena je i velika materijalna šteta obzirom da su se u halama nalazile i mašine i pretovarna vozila.

-U osnovnoj školi „Donja Orahovica“ je bogatim programom obilježen Dan rijeke Spreče (25.septembar) kao završnica projekta „Dobre vodne komšije II“.

## **Oktobar**

- U sklopu GIZ EU ProLocal projekta u Multimedijalnoj sali Općine Gračanica u petak, održana je radionica „Prevenција i zaštita od poplava u malim i srednjim preduzećima u BiH“. Predstavnici 20-ak malih i srednjih preduzeća općine Gračanica su upoznati sa Vodičem za prevenciju i zaštitu od poplava u MSP i programom za izradu Akcionih planova za prevenciju i zaštitu od poplava. U okviru ove radionice prezentovane su aktivnosti podrške EU ProLocal-a malim i srednjim preduzećima u BiH da izrade akcione planove za prevenciju i zaštitu od poplava, metodologija izrade ovih akcionih planova, kao i način za ostvarivanje ove podrške.

- U mjesnoj zajednici Donja Orahovica, svečano je otvorena bosanska soba koja će se koristiti za rad „Udruženja žena Orahovica Donja“. Sobu su svečano otvorili Općinski načelnik Nusret Helić i Nermina Alihodžić u subotu, 13.10.2018. godine.

- Sajam ženskog poduzetništva koji se ove godine obilježava po drugi put dobio je i simboličan naziv „Zlatne ruke Gračanice“.

Sajam je otvoren u centru grada a učešće su pored domaćih udruženja žena, gračaničkih srednjih škola uzela i gostujuća udruženja iz općina Srebrenik, Lukavac, Modriča, Tuzla, Žepče, Kalesija i drugi.

-u organizaciji Asocijacije srednjoškolaca u BiH u Gračanici održan „Socijalni dan“. Pored brojnih gračaničkih privrednika koji su podržali ovaj projekat, podršku je dala i Općina Gračanica. Ovom prilikom učenici završnih razreda srednje škole, na jedan dan su mijenjali Predsjedavajućeg općinskog vijeća Gračanica, šeficu Službe za upravu i društvene djelatnosti, šefa službe za civilnu zaštitu, sekretara općine te glavnog inspektora.

-U Kabinetu Općinskog načelnika upriličeno je potpisivanje ugovora za dodjelu poticaja razvoju privrednih društava i obrta sa područja Općine Gračanica a u skladu sa rezultatima Javnog poziva. Riječ je o Javnom pozivu Općine koji je raspisan u okviru projekta okolišnog i ekonomskog upravljanja MEG, na osnovu koga su odobreni projektni prijedlozi za firme Zeka-comerc, Plamingo, Wirac.net, Seming, HS BAUKOP te obrte MIS Tekstil i Step. Ukupan iznos sredstava sa kojima će općina Gračanica i UNDP MEG projekat sufinansirati

navedene projekte iznosi oko 80.000 KM od čega će Općina Gračanica finansirati iznos od 40.126 KM a UNDP MEG projekat iznos od 40.000 KM.

-U Kabinetu Načelnika je održan sastanak u vezi projekta *Žene na izborima u BiH*. Radi se o projektu koji provodi UNDP u partnerstvu sa Centralnom izbornom komisijom BiH i drugim agencijama, a finansira Vlada Švedske. Tim povodom Kabinet općinskog načelnika su posjetili predstavnici UNDP-a, Faruk Hujić menadžer projekta, Žene na izborima u BiH i Šejla Keserović, saradnica projekta.

-Dana 30.10.2018.godine (utorak) u prostorijama Filozofskog fakulteta u Tuzli potpisan je Memorandum o saradnji na implementaciji projekta „Inkluzija za sve – Inkluzivno obrazovanje za svu djecu u Bosni i Hercegovini“. U realizaciji navedenog projekta učestvuje devet općina TK-a i grad Tuzla, Ministarstvo obrazovanja i nauke TK-a, Ministarstvo za rad, socijalnu politiku i povratak i Ministarstvo zdravstva TK-a, te organizacija Save the Children. Glavni cilj projekta je da djeca sa poteškoćama razvijaju svoj potencijal i u potpunosti uživaju pravo na inkluziju u obrazovanju i društvu. Naprijed navedeni projekat je predvidio osnivanje dva Centra za razvoj inkluzivnih praksi u Banovićima i Gradačcu, u kojima će stručna lica pružati pomoć osobama sa poteškoćama u razvoju.

## **Novembar**

-U prostorijama Bosanskog kulturnog centra Gračanica su uručeni besplatni udžbenici za učenike romske populacije. Besplatni udžbenici su uručeni za 46 učenika, 41 komplet za osnovnoškolce a 5 za srednjoškolce. Općina Gračanica kontinuirano radi na iznalaženju novih sredstava kako bi se romskoj populaciji na području općine osigurali što kvalitetniji uslovi za život i što aktivnija participacija u društvenim dešavanjima.

-svečano otvoren pomoćni teren s umjetnom podlogom stadiona „Luke“. Načelnik Helić je u svom obraćanju istakao da je ovaj projekat jedan od najznačajnijih za sport u Gračanici nakon projekta Sportske sale. Izrazito kvalitetno uređen teren, po visokim standardima na otvaranju su krasili i najmlađi i to učenici Druge osnovne škole, članice plesnog kluba Rock-step i Sarah Fazlić koji su uzeli učešće u kulturno-zabavnom programu.

-Na platou u centru grada je održano druženje srednjoškolaca Gimnazije „Dr.Mustafa Kamarić“ i Mješovite srednje škole Gračanica. Uz prigodan zabavni program srednjoškolci su obilježili 17.11. –Dan srednjoškolaca.

-U maloj sali BKC-a predstavnici Radio kluba Gračanica su upriličili potpisivanje Memoranduma o saradnji sa osnovnim školama. Ovom prilikom potpisani su Memorandumima sa školama iz Džakula, Klokotnice, Doborovaca i osnovnom školom „Hasan Kikić“. Prisutnima su se obratili predsjednik Radio kluba Gračanica, Habib Džananović koji je ukratko predstavio aktivnosti održane u ovoj godini te načelnik općine, Nusret Helić koji je istakao važnost radio amaterizma i pohvalio rad Radio kluba Gračanica.

-Nizom manifestacija u subotu (24.11.) je u Gračanici obilježen Dan državnosti Bosne i Hercegovine. Pod motom “Moja domovina moj ponos” u subotu je u organizaciji Sportskog saveza a pod pokroviteljstvom Općinskog načelnika upriličena tradicionalna šetnja na relaciji Gračanica-Vis. Prije polaska, položeno je cvijeće na spomen-obilježja u gradskom parku a potom i na Centralnom spomen-obilježju. Program obilježavanja je nastavljen prijemom posljednja tri živa učesnika Narodnooslobodilačkog rata 1941-1945 sa područja općine Gračanica u Kabinetu Općinskog načelnika a riječ je o Ankici Stjepanović, Mehmedu

Kruškiću i Hasibu Čamdžiću prilikom koga je načelnik Helić prisutnima uručio skromne novčane nagrade i zahvalnice za doprinos u afirmaciji tekovina antifašizma i državnosti BiH.

-Četvero maloljetne djece porodice Milkić iz naselja Javor, Općina Gračanica, dobilo je ključeve od novoizgrađene kuće. Rezultat je ovo dugogodišnje saradnje MFS-EMMAUS-a, Općine Gračanica i donatora iz UAE.

Zahvaljujući donatoru Sharjah Charity International iz UAE kuća je izgrađena po savremenim sistemima gradnje koristeći pri tome najkvalitetnije materijale što bi u samom finišu ovoj porodici trebalo da pruži siguran i topao dom.

## **Decembar**

-Dana 30.12. u Multimedijalnoj sali općine Gračanica održan je drugi monitoring i evaluacija rada Sekcije učeničkog poduzetništva OŠ "Hasan Kikić" Gračanica. U prisustvu direktora i nastavnika o.š. „Hasan Kikić“, načelnika općine Nusreta Helića, predstavnika Udruženja poslodavaca općine Gračanica i roditelja, učenici i mentori ove sekcije su predstavili dosadašnji rad koji se odvijao u školi te u osam gračaničkih firmi.

-obilježeno 25 godina od formiranja 212. Bosanske oslobodilačke brigade. Prisutne delegacije među kojima je bio i Općinski načelnik Nusret Helić položile su cvijeće na Centralno spomen obilježje i odale počast poginulim borcima. Nakon polaganja cvijeća skupu se obratio komandant brigade Bahrija Džananović koji je ukratko podsjetio na osnivanje ali i historiju brigade.

-U foajeu BKC-a Gračanica je održana već tradicionalna izložba radova povodom obilježavanja Međunarodnog dana osoba sa invaliditetom. Organizatori ove izložbe pod nazivom „Srca osjećaju, ruke ostvaruju“ je udruženje roditelja, djece i mladih sa posebnim potrebama "Futura". Nakon prigodne manifestacije koju su upriličili volonteri UG Futura te učenici gračaničkih osnovnih škola izložbu je svečano otvorio općinski načelnik Nusret Helić.

-Općinski načelnik organizovao sastanak sa predsjednicima svih političkih stranaka i Kolegija Općinskog vijeća na temu problema u Općoj bolnici koji se odnose na nezakonito zapošljavanje, poremećene međuljudske odnose koji su kulminirali drastičnom smanjenju plaća svim uposlenim i do 30 procenata. Prema informacijama od uposlenih, vrši se mobing prema svima onima koji dižu glas i traže svoja prava. Nakon dvočasovne rasprave doneseno je nekoliko zaključaka čiji je osnovni cilj da se stanje promjeni, zaštite prava uposlenih i da pacijenti dobiju kvalitetnu uslugu. Za ovakvo stanje najodgovorniji je menadžment ustanove.

- Sedmočlana porodica Bašić iz Lendića je živjela u trošnoj kolibi, u nezdravim i nehumanim uslovima su, zahvaljujući uspješnoj saradnji i borbi MFS-EMMAUS-a, Općine Gračanica te dugogodišnjih prijatelja, donatora, organizacija i građana BIH dobili ključeve novoizgrađene kuće. Činu primopredaje ključeva su prisustvovali Nisvet Mujanović, pomoćnik Federalnog Ministra za raseljene osobe i izbjeglice BiH, Općinski načelnik Nusret Helić, Hamzalija Okanović, direktor Emmaus-a, Predsjedavajući OV Gračanica Nihad Krajinović te mediji.

-načelnik boravio u Mostaru gdje je u Federalnom ministarstvu razvoja, poduzetništva i obrta potpisao Ugovor kojim se Općini odobravaju sredstva u iznosu od 149.000 KM za izgradnju infrastrukture u poslovnoj zoni. To je još jedan dobar projekat koji je Općina aplicirala prema Ministarstvu i koji će doprinijeti bržem razvoju i ukupnom poslovnom ambijentu u Gračanici.

-u svečanoj sali restorana Etna upriličena dodjela certifikata za učesnike u projektu „Pro-Poso“. Naime, Njemačka fondacija Wings of Hope iz Minhena već trinaestu godinu zaredom uspješno impelentira u BiH projekat “Pro-Poso” sa ciljem omogućavanja praktične obuke, stručnog osposobljavanja i bržeg zapošljavanja mladih , odraslih osoba, sa završenom srednjom stručnom školom, do 35 godina starosti a koji aktivno traže posao. Projekt se stabilizirao u deset regija na prostoru cijele BiH , od kojih su u FBiH: Bihać, Goražde, Mostar, Sarajevo, Travnik i Tuzla.

-Šejma Duraković, članica Karate kluba Gračanica i Dino Hamidović, igrač RK Gračanica, izabrani su za najbolje sportiste općine Gračanica u 2018. Godini. U ispunjenoj sali BKC-a na samom početku prisutne su pozdravili predsjednik Sportskog saveza Osman Bukvić i načelnik općine Gračanica, Nusret Helić, koji su čestitali svim kolektivima i pojedincima na postignutim rezultatima te dobitnicima i zaželjeli sretne praznike.